


# MAHEBERU, KAUHANYO YABUSUPA <sup>1</sup>

 . . . busihu, ni kuutwa Joyce ha opela. Kana mwa ziba kuli yeo ki makazo ku yona inosi cwalo? Musizana yomunyinyani yani, ukona kunahana cwani zani kaufela? Mi busihu ni busihu kaufela una ni kulufa yenca. Mwa kona kunahanela zeo kaufela, bwani kwateni kona booko sakata. Mulena afuyole mwana yani.

<sup>2</sup> Cwale, kamuso, ka tu-seti, kwa ndu ya maswabi kwa Charlestown, Indiana. Kezela luna yomunde, nyandi yalutobezi, Kezeli Colvin, lu mu fa likute la luna la mafelelezo, kwani kwa—kwa ndu ya maswabi ni kwa matotaeti, kamuso musihali. Ki alimuñwi yana pila nako yeñwi sina mina busihu boo, mi usilezi kwabuse bwa lisila koo ni mina muka silela nako yeñwi. Mi kaufela baba lakaza ku fumaneha kwa sebelezo, kupalañi, ba amuhezwi kuli batahe. Kaniti ikaba tuso yetuna kwa lubasi lwa baha Colvin, ka kuziba kuli tabernakele kwanu, ko nebanze ba tahanga kwa keleke fa nako yetelele luli, ni zeñwi cwalo, ika . . . Lu ka tabela kuli mu yo taha. Mi Ni sepa kuli . . . Muzwale waluna yomunde McKinney, yena yana kutalize fa maswabi a munyana ka muzwale, lilimo zeñata ñata kwa mulaho, una ni siemba sesituna sa maswabi, mi Ni kupilwe kutaha kuli ni mu tuse mwa—mwa lisebelezo za maswabi.

<sup>3</sup> Cwale, Ni liehile nyana fela, busihu boo. Ni bile ni zeñata hahulu ze ni patehisize, Ha ni zibi hande kwa kuya. Kubile lipizo zeñata hahulu, mi lisinyeho zani ni likozi, ni sicaba inge ba luma mawaile, ni kutaha. Kufitela, Ni zwa fela kwa Louisville, mizuzu nyana yefelile, kuli ni kutele kwanu kapili, ni kusiya lipizo zeñata nyana ze ne patehisa hahulu kono li lukela kutalimwa, Na sepa, ni mwa, busihu boo. Mi cwale mu lulapelele halunze lu zwelapili.

<sup>4</sup> Mi kakusasana cwana Ni—Ni palezwi kufita fa—fa tuto yaka, mwa kauhanyo ya 7 ya buka ya—ya—ya Maheberu. Mi halunze lu apula ku yona, busihu boo, Ni bata ku fa zibiso ka za mukopano wa Muzwale Graham Snelling, ona kwa tende kwanu, kwa mafelelezo a mukwakwa wa Brigham Avenue. Haiba Mulena alata, Ni bata ku yo kuta la Bulalu busihu. Mi teñi lu ka toma busihu bobuñwi bo lu ka kamuha sina sikwata, biki ye ka nako yeñwi, ku yo potela Muzwale Graham mwa mukopano. Mi yena . . . ubulela ka za, “Kuba ni sikwata sesinde.” Mi—mi u ka itumela ka kutaha kwa luna, kwa tuso ye. Muzwale Graham Snelling, mañi wa mina kaufela ya ka bateni kwa mukopano, kamba ya itakaleza cwalo, ki kwa mafelelezo fela a mukwakwa o bizwa Brigham Avenue kwanu. Mañi ni mañi kaufela wa kona mi

bulelela sibaka seo ko si fumaneha. Ki kwa mafelelezo a sibaka sa kubapalela, tende i tomilwe. U ka itumela lituso za mina. Kakuli, luna ka kuba tabernakele luitamile kuli lituso za luna likaba ku yena, ka kutala luli, kacwalo lu lika kutusa.

<sup>5</sup> Cwale, mi cwanoñu lu taha fa sibaka sakuli, haiba Mulena a lata, kwa kauhanyo yabu 11 ya Maheberu, mwa masihu a likani, haiba Mulena wa lata, mi teñi Ni sepa kuli lu ka ba ni nako yende hape.

<sup>6</sup> Oh, Mulena u lu fuyozi kakusasana cwana ka nzila yeipitezi, ka Mwa sululezi Moya wa Hae fahalimwa luna! Mi cwale, busihu boo, lu Mu kulubela kuli aeze cwalo hape; ni la Bulalu busihu, ni musihali. Mi—mi masihu e Ni si yo, Muzwale Neville ukaba kwanu ku to feleleza, haiba ha Ni yo.

<sup>7</sup> Ha ni zibangi se Ni ka eza, wa kona kuba mo ka hola ye, mi ka hola yetatama u bizezwa kwa California. Mwabona, ha mu zibi kuli ki kai koo Mulena uka mi luma. Ki kabakaleo kutata kuli ni pange misipili ni kubulela kuli luka—luka eza sa *kuli-ni-kuli*. Na kona kukala kueza nto yeñwi, kipeto Mulena u ni luma kusili fela. Mwabona? Kacwalo ha lu zibangi fela Sa ka eza. Kono, “Haiba Mulena a lata,” kona mo lu bulelelanga. Mi Ni sepa kuli lu lumilwe, lu laezwi cwalo, mwa Bible kuli, “Haiba Mulena a lata, luka eza lika za *kuli-ni-kuli*.” Konakuli haiba ha lukoni kueza milelo ya luna ye lu . . . kamba kutaleleza ze lu itamile, lu ikutwa kuli mwendi Mulena na sa tabeli kuli si ezahale.

<sup>8</sup> Ka zazi leliñwi, ne lu liehisizwe, Muzwale Roberson ni Muzwale Wood ni na. Mi lwa komoka kuli, “Kiñi?” Inge luinzi fani cwalo, ne lu talimela fa mapa, inge lu shetumuka, mi lwa zamaisa limaili ze mashumi a ketalizoho kulibana ni mutulo hape mwa mukwakwa. Mi Ni bile ni zamaya mwa linzila za misipili yemitelele kukala fela hane Ni li wa lilimo ze lishumi ka zene za kupepwa. Mi Na komokanga mo ne Ni konelanga. Ne lu yemi fani, bulalu bwa luna kaufela. Lu zamaile mwa misipili yemitelele. Inge lu talimela fa mapa, ne lu zamaela fa 130, kushetumuka mwahala Illinois, mi se lu sikuluhela kwa neku leliñwi, kusina kulemuha kuli lizazi nelili kwa mulaho wa luna kufita kuba kwapata a luna. Ne lusweli kuya kwa mutulo kufita kuya kwa mboela. Mi taba yapili mwa ziba, kutula mukwakwa, Se nili, “Ye ha ki yona yeswanela.” Na talima kulo kwani, mi lwa to fumana kuli, ne luli limaili ze mashumi a ketalizoho kuzwa mwa nzila. Ne se luile kukutela mwa mulaho . . . ? . . .

<sup>9</sup> Mi cwale ha lu yo kuta, ne—ne lusweli ku ambola. Se nili, “Mwa ziba kuli kiñi? Luna . . . Mulena na ka lu fitelele ka nzila ye, ka kuba ni kozi ye sabisa kwa sibaka sani kokuñwi, sani ne si ezize nto yeñwi kamba isili fela. Lu ziba kuli lika kaufela libeleka hamoho mwa bunde ku baba lata Mulena. Zeo kona ze luna ni kubeya mwa mihupulo ya luna.”

<sup>10</sup> Cwale, busihu boo, lwa kalisa cwale fa tuto nyana. Mi haiba Ni na . . . Ha ni sepi kuli luka fita fa mafelelezo a yona, mwendi luka eza busihu boo, ku . . . Ye ki kauhanyo yetuna ya kuluta ka za bulishumi, kwa keleke. Mi ki tuto yetuna, ye lukona kuinelela fateni ka lisunda ni lisunda, ona fa nto iliñwi yeo, ka mwa na lifezi Abrahamama sa bulishumi ku Melekisedeke, mi kamba ki za butokwa.

<sup>11</sup> Kana sifukiso sa moya se sa mi kataza kwa mulaho kafoo? Kikuli mubata ku sitima? Haiba sa kataza mutu, ka kukasha moya kwa lifateho, yeñwi ya lifukiso za moya ze. Haiba ku cwalo, mu nanule fela mazoho a mina. Mi, kamba mulume fela alimuñwi wa bayemeli ba fa munyako, mulume yomuñwi kwa muzwale kwanu, uka mi timela sona. Mi Ni tabela ku si tima kwanu kuna; Ni ikutwa kucisa mi Ni ba ya fufulezwi, mi, nto yapili mwa ziba, Ni—Ni silezi linzwi. Kacwalo, li talimezi ku mina, kuli lisike za ni kataza ka mukwa kaufela. Lu bata kuli mube baba lukuluhile cwale.

Haluna kulika ku mi sinyeza hahulu nako, kono ki kotalima fela kulibana ni Linzwi. Mi lusika eza kale cwalo, ha lu buleleni ku Muñi fa nako nyana.

<sup>12</sup> Cwale, Ndate yakwa Lihalimu, ha lu zibi ze lu bulukezwi. Kono nto inosi fela ye luziba, mi lwa susuezwa, kuli lika zende li beilwe fapila luna. Kakuli ku ñozwi kuli, “Liito ha li si ka bona kale, nihaiba zebe ha i si ka utwa kale, kamba kuli likene mwa lipilu za batu, za bulukezi Mulimu, baba Mu lata.”

<sup>13</sup> Mi lu lapela kuli U kwalule mahaulo a Lihalimu busihu boo, mwa ndu ya Hao ya libulukelo, mi ulufe Linzwi la Hao, le li kaba lika le li swanela, lika ze ka ekeza tumelo ya luna kakuba Bakreste, ni ku lueza baba inelezi hahulu—hahulu mwa Evangeli, kufita mone lubezi nako ye lukeni mwahali. Lumeleza cwalo, Ndate. Mi cwale Moya o Kenile unge Linzwi la Mulimu ni ku Li kenya mwa pilu ifi ni ifi kaufela kuya ka mo lu tokwezi. Ka Libizo la Jesu, lwa lapela, Mwana Hao ya lateha. Amen.

<sup>14</sup> Cwale, kakusasana cwana, ka kusiya timana ya mafelelezo mwa kauhanyo ya 6, kuli lukone kuya ku ya bu 7.

*Mo Jesu na itangetite ku kena kabakala, luna, afetuhile muprisita yomutuna wa linako ze sa feli, ka mukwa wa Melekisedeke.*

<sup>15</sup> Cwale lu ka bala litimana zetaalu za makalelo, kamba litimana zepeli za makalelo, kamba litimana zetaalu za makalelo, nitaluse, za kauhanyo ya 7, kuli lu kalise ka zona.

*Kakuli Melekisedeke yo, mulena wa Salema, muprisita wa Mulimu muambakani ya pahami, ki yena yana ilo katanyeza Abrahamama nako yazwa kwa kubulaya malena, mi a mu fuyola;*

*Ki yena ya filwe ki Abrahamama mubingu wa nto ku zelishumi za tutu yana hapile kaufela, (ki zeo za bulishumi za mina foo); pili ha kutaluswa ki Mulena wa kuluka, . . . kuzwa ku leo hape ki Mulena wa Salema, ili kutalusa kuli, Mulena wa kozo;*

*Ki ya sina ndatahe, ki ya sina mahe, ni lusika, . . . asina fa kalela . . . asina fa kalela mazazi a hae, kamba u bu felela bupilo; kono u ezizwe ya swana sina Mwana Mulimu; ki muprisita yomutuna wa linako ze sa feli.*

<sup>16</sup> Ha ki mubulelelo o cwani kwabunde! Cwale lu ka kutela mwa mulaho mwa Testamente ya Kale, kuli lukate lika za butokwa zee. Mi, oh, mo Ni li latela!

<sup>17</sup> Mwa ziba, kwa Arizona, ne lu talimelanga ka sepo. Mi ne lu tahanga mwa sibaka sa kutalimela hande, Bo Mc Anally ni na. Mi ne lu tokomela sibaka ko ne ku bonahala sina, mwa misima nyana, kone kubanga ni mikokolombwa nyana, se ba biza kuli “kuhamula.” Mi Ne ni . . . Na ni isanga teñi kwani ni ku ni swalisa lishabati lani mi kipeto “whew,” na li fuzela. Ni kumata hape ni kueza “whew,” na li fuzela. Mi Ne ni komokanga za na ezezanga cwalo. Na to fumana kuli, mwa bona, ha mu fuzela lishabati, li ka monyeha. Mi kaufela, nihaiba butale bwa leadi, bu bubebe kufita gauda. Gauda ibukiti kufita leadi. Kona kuli ha mu fuzela, lisipi zeñwi kaufela ni lishabati ni masila lika zwa kwateni, kono gauda yona ika siyala fafasi. Kabakaleo, haiba muna ni sibaka se si sweli kuciwa ki mezi *kwanu*, si bonisa kuli kuna ni mukokolombwa wa gauda fahalimu fani. Pula ye icile sibaka se mwa bunyinyani kufiyela. Kona kuli lunopa tuemba ni zeñwi cwalo, ni kukata lizulu lani, mane, kulika kufumana gauda ye. Lu punya misima mwa mubu, ku ikata mwateni. Lu beya dainamaiti, ku i fuzelela mwahali. Kuzwelapili kufuzela mipaipi yani, kuya kwatasi kufitela lufumana, kufumana mukokolombwa wateni luli. Cwale, zeo kona ze lubiza kuli “kulafa butale.”

<sup>18</sup> Mi busihu bo lulika kunga Linzwi la Mulimu, ni ku itusisa Lona ka mata a Moya o Kenile, kwa kufuzela ku sa tokomela kaufela ni kukakanya kuzwa ku luna, lika zenyinyani zani kaufela ze sina bukiti zeswana sina mafufa ze sina hande mutomo ni o mukana, ze sina bukiti mwa bupilo bwa luna, lu bata kuli fuzelela kwahule kaufela kuli lufumane Mukokolombwa tenyene o kanya woo. Mi Mukokolombwa wani ki Kreste.

<sup>19</sup> Mi cwale Mulimu alutuse halunze lu bala ni kubala ka tokomelo mwa Linzwi la Hae. Za mafelelezo, likauhanyo zetaalu za kwa mulaho, mane, lubile luambola ka za kuteeleza, ona fa cwale mi kona luya ku, Melekisedeke.

<sup>20</sup> Cwale, Na sepa Paulusi ufa toloko ye lukile.

*Kakuli Melekisedeke yo, mulena wa Salema, . . .*

“Mulena wa Salema.” Mi mubali wa Bibebe kaufela u ziba kuli Salema sapili neli. . . .Jerusalema sapili neibizwa kuli “Salema.” Mi Nali Mulena wa Jerusalema. Amu mutalime.

. . . *muprisita wa Mulimu muambakani ya pahami,*  
(yani ki muyemeli), *yana ilo katanyeza Abrahamama. . .*

Ni bata kufumana lusika lwa Hae, yena Muuna yomutuna yo, kuli muzibe Yo ali Yena, pili, mi kona lu. . . .ka zwelapili ni likande.

. . . *nako ya kuta kwa kubulaya malena, mi a mu fuyola;*

*Ki yena. . . yana filwe ki Abrahamama mubingu wa nto iliñwi ku ze lishumi za tutu ya na hapile kaufela . . . pili. . . ha kutolokwa ki kuli Mulena wa kuluka, . . .*

Cwale hamutalime, “Kuluka.” Cwale, luna ni kuluka kwa kuikezeza, luna ni tumelo ya kuipangela, luna ni kuluka ko kulyangani, mifuta kaufela. Kona kuna ni kuluka kulikuñwi, mi kuluka koo kuzwa ku Mulimu. Mi Muuna yo neli Mulena wa kuluka. Ukona kuba Mañi?

<sup>21</sup> Cwale, Na li yena Mulena wa kuluka, ili Mulena wa Jerusalema, ili Mulena wa kuluka, ili Mulena wa kozo. Jesu na bizwa, “Nabi ya kozo.” Mi nabi ki mwana mulena. Kacwalo, Muuna yo neli Mulena wa kozo, kona kuli Na lukela kuba Ndate wa Mulena wa kozo. Mwa utwa nji? [Kopano ili, “Amen.”—Mu.]

<sup>22</sup> Cwale ha lu boneni, lunge lusika lwa Hae kuya fapata nyana, kuli lubone ko luya.

*Ki ya sina ndatahe, . . .*

Cwale, Jesu nana ni Ndatahe. Kana mwa lumela cwalo? [Kopano ili, “Amen.”—Mu.] Luli Nana ni yena.

. . . *ki ya sina mahe, . . .*

Jesu nana ni mahe. Kono haili Muuna yo nasina ndatahe kamba mahe.

. . . *ki ya sina lusika, . . .*

Na sina kwa Na zwile, nihaiba lusika. Yena naliteni kamita. “Asina lusika.”

. . . *asina fa kalela mazazi, . . .*

Mane nasina nihaiba nako fa Na kalezi.

. . . *kamba fo bu felela bupilo; . . .*

Haikoni kuba mutu usili kwande a Mulimu. Kona fela mo ne Li ka bela.

<sup>23</sup> Cwale, cwale haiba mu ka lemuha ha lu bala timana yetatama. Mwabona? “Pili, ha kutaluswa, ki Mulena wa kuluka.” Fani ha ki fona fone Ni bata. Ki—ki timana ya 3:

. . . *asina fo bu felela bupilo; kono a ezwa sina Mwana Mulimu; . . .*

Cwale, Na si Mwana Mulimu, kakuli, haiba Na li Mwana, konakuli Na na ni makalelo. Kanti Muuna yo yena nasina makalelo. Haiba Nali Mwana, Nana ni kuba ni bababeli ili ndate ni me. “Kanti Muuna yo yena nasina nihaiba ndate kamba me. Kono a ezwa *yaswana ni Mwana Mulimu.*”

*. . . muprisita wa linako zesafeli.*

<sup>24</sup> Cwale, Dr. Scofield ulika kubulela, kuli, “Ne li buprisita, bo bu bizwa kuli, ‘Buprisita bwa Melekisedeke.’”

Kono Ni bata ku miisa ku seo ka mizuzu yelikani fela. Haiba neli buprisita, konakuli ne buna ni kuba ni makalelo, mi nebuna ni kuba ni mafelelezo. Kono, “Yo yena nasina makalelo kamba mafelelezo.” Mi a sika bulela kuli na katani buprisita. Na katani Muuna, ni kubiza Libizo la Hae kuli “Melekisedeke.” Na li Mutu, isiñi kopano, isiñi bu—bu—bu buprisita kamba bushemi. Na li Muuna wa luli wa Libizo la Melekisedeke, nali Mulena wa Jerusalema. Isiñi buprisita, kono Mulena yasina ndatahe. Buprisita habuna ndata bona. “Mi Muuna yo nasina ndatahe, nasina mahe, a sina makalelo a mazazi kamba mafelelezo a bupilo.” Cwale, Mwana Mulimu. . .

<sup>25</sup> Yo nali yena, ki yena Jehova. Yo neli Mulimu Yamata kaufela Kasibili. Ha ikoni kuba usili.

<sup>26</sup> Cwale ha mulemuhe, “U ina mwa linako zesafeli.” Una ni bupaki fa, kuli, “Wa pila. Yena ha shwi.” Ali kuba a shwe. . . Yena na si nto isili fela kono na pila. “Uina linako zesafeli.”

<sup>27</sup> Cwale, Jesu na ezizwe fela, *yaswana* sina Yena. Cwale, libaka hakuna ni shutano mwahala Mulimu ni Jesu: Jesu nana ni makalelo; Mulimu nasina makalelo. Melekisedeke nasina makalelo, mi Jesu nana ni makalelo. Kono Jesu na ezizwe, ya swana sina Yena. “Ali muprisita, ya ina linako zesafeli.”

<sup>28</sup> Cwale, mi Melekisedeke hanali fa lifasi, Na si nto isili mwa lifasi kwanda—kwanda kuba Jehova Mulimu ya bonahalizwe ka pupo, Na li fa inge mwa mubili wa bungeloi. Abrahama na Mu katani nako yeñwi, mwa tende ya hae. Mi sina hane lu bulezi kakusasana kacenu kuli, “Abrahama na Mu lemuhile. Mi A bulelela Abrahama sa Na ka eza, kakuli Na sike kusiya muca sanda wa lifasi ali sibofu kwa lika za Na ka eza.”

<sup>29</sup> Halu boneni Ni yeme fa ka muzuzu fela, ni bulele kuli, Mulimu u sa na ni muhupulo o swana ka Keleke ya Hae. Ha lu bana ba lififi. Mu bana ba Liseli. Mi ni. . . luna baba. . . “Mbuyoti ki ya baba ishuwa, kakuli ba ka ca sanda sa lifasi.” Mi kana Mulimu, Yana ezize ku—ku Abrahama, yana lukela kuyola lifasi. . . Mi ki Hali, “Hanina ku patella lika ze ku muuna yaka ca sanda sa lifasi.” Kana Uka patulula cwani likunutu za Hae kwa Keleke ya Hae ye ka ca sanda sa lifasi!

<sup>30</sup> Daniele naize, “Mwa lizazi lani ba ka matela kwa ni kwa, zibo ika ekezeha.” Mi ki hali, “Baba butali ba ka ziba Mulimu

wa bona, mwa lizazi leo, mi ba ka eza ka bundume ka lizazi leo. Kono ba bamaswe Habana kuziba Mulimu wa Lihalimu.” Ba Mu ziba mwa mufuta fela ni ka sizo, sina tuto yaluna yapili yene bulezi cwalo, kono ha ba Mu zibi ka nzila ya kupetahala.

<sup>31</sup> Mi Mulimu u kona kubeleka ka kupetahala, kakuli U Petehile. Ku fuyolwe Libizo la Hae. Ilukela kuba muzamao o petehile o Mulimu abeleka ku ona, kakuli hakuna Za kona kueza kwanda kubelela kufitela mwa kupetahala. Hakoni kuitampakanya Iliyena mwa mukwa usili. Mi ki kabakaleo Jesu hana ti lo takula libi za luna, kuli lukone ku petahaliswa, kuli Mulimu abeleke kufitela mwa Keleke ya Hae. Fani kona fo kuna ni kunutu.

Fani kona lifasi fo libezi ni bubofu. Fani kona fo ba bata kubulela, kuli, “U lyangani mwa toho.” Fani kona fo ba bata kubulela kuli, “Ha u zibi zo sweli kubulela.”

Kakuli, “Litaba za Mulena ki butanya kwa butali bwa lifasi le. Kono litaba za lifasi ki za nama ku mulumeli.” Kacwalo, u mutu ya shutana, u pila mwa kalulo ya sibaka se si shutani. Ha u wa lifasi le kutokwa. U zwile mwa bupilo bo kukena mwa Bupilo bobunca.

<sup>32</sup> Kabakaleo, Mulimu wa patulula, isiñi kwa lifasi, isiñi ku munituti wa za bulapeli, ha ki kwa bakutazi baba itutile, kono ki kwa pilu ye ikokobeza. Sicaba sa hae se si ishuwa, Uka patululela teñi likunutu za lika zetuna za Mulimu, ku bona. Mwa bona nji? [Kopano ili, “Amen.”—Mu.]

<sup>33</sup> Cwale, cwale, Abrahama nana ni ku luwa lifasi. Kuya ka . . . Peu ya Abrahama macaba kaufela a lifasi na ka fuyolwa. Kacwalo Mulimu ataha ku to ambola ni yena, mwa sibupeho sa Muuna.

Cwale, Mulimu ubile mwa lifasi kamita. Mulimu ali kuba a siye lifasi. Haiba Na ka siya lifasi, Hani zibi zekona ku lithela. Kono Mulimu kamita ubile teni mwa mufuta omuñwi cwalo. Oh, kulumbwe Libizo la Hae!

<sup>34</sup> Nali ni bana mwa lihalaupa, habazwa mwa Egepita, mwa mufuta wa Liseli. A bulela ku Abrahama mwa mufuta wa Muuna. Na bulezi ku Mushe mwa mufuta wa Muuna. Na bulezi kwa Keleke mwa mufuta wa Muuna, Mwana Hae, Krete Jesu.

Mi Usweli kubulela kwa Keleke ya Hae kacenu, ka Keleke ye tozizwe ya Mulimu ya pila, ka libyana za lizupa. “Mina mu mitai. Na kina Kota luli.” Mulimu u sa bulela, mi lifasi la bona Jesu ka mo mu Mu zibahaliseza. Cwalo kona lifasi mo libonela . . . “Mu mañolo a ñozwi, abalwa ki batu kamukana.” Bupilo bwa hao bu toloka seo uli sona.

<sup>35</sup> Cwale, Abrahama yo mwa musipili wa hae, usweli kukuta. Lu ka kuta mwa mulaho ni kubala ka yena fa mizuzu nyana, mwa Buka ya Genese. Mwa kauhanyo ya 14 ya Genese, Na lumela

ki yona. Oh, haki bunde ni boo likande lateni le bati! Cwale, kaufela luna lwa ziba za Abrahama, kuli mane Mulimu na mu bizize kuzwa mwa naha ya Makalade ni mwa muleneñi wa Uri, mi a mu bulelela kuli a kauhane kwa balikani ba hae.

Mulimu ubizanga baana kamba basali, U bizezanga kwa kauhano.

<sup>36</sup> Cwale, bwani kona butata bobuli ni likeleke kacenu, ha ba lati ku i kauhanya ili bona kwa ku sa lumela kwa kale- . . . baba sa lumeli. Kona ha lu sakoni kuya kwapata ni hanyinyani. Lu kenanga fela mwa buino bwa nama fela, mi lu—lu bulela kuli, “Oh, Jim ki mutangana yomunde, haiba wa nwa. Haiba wa . . . Mi Ni ya ni yena mwa sibaka sa kubapala pool, kono Hani bapalangi papali ya pool. Ni—Ni—Ni ya ni yena kwa mukiti. Ba bulela litaba za lisheha, ni zeñwi cwalo, kono Na hani bulelangi litaba za lisheha.”

<sup>37</sup> “Amuzwe mwahala bona.” Yeo ki niti. “Amu kauhane kwateni. Musi swali ze masila za bona, mi Ni ka mi amuhela,” kubulela Mulena. “Mu si ke mwa lwala koko iliñwi ni baba sa lumeli, kuba mwa koko hamoho.” Musike mwa eza cwalo. Amu kauhane kwateni.

<sup>38</sup> Mi Mulimu abiza Abrahama kuli aikauhanye kuzwa ku bahabo, mi a zamaye ni Yena. Muzwale, fokuñwi ku talusa kuzwa kusiya keleke. Ne si talusa ona cwalo ku Paulusi. Nana ni kusiya keleke ya habo. Seo ne si talusa ona cwalo ku babañata. Fokuñwi ku talusa kuzwa kusiya lapa. Fokuñwi ku talusa kuzwa kusiya ndate ni me, ni kutuhela lika kaufela. Ha ni talusi kuli kucwalo ka nako kaufela, kono fokuñwi ku cwalo. Ku talusa kuli muna ni kunga nto kaufela mwahala hao ni Mulimu, ni ku zamaya ni Yena hamoho. Oh, seo sifuyozwi, ngambolo ye munati, kutwano ye munani yani ha mu kauhani kuzwa kwa lika za lifasi ni mulumeli wa nama yasweli ku mi eza lisheha, mi mu zamaya munosi ni Kreste!

<sup>39</sup> Ki linako zekai ze Ni na ni kuitumela ku Mulimu! Ki ali, “Ni ka mifa bondate ni boma ona mwa lifasi la kacenu le. Ni ka mifa balikani ni ba kuba saango ni bona. Mi Hanina ku mi siya, mane Hanina ku mi yaya. Kamba lifasi li ka mi fa mukokoto wa lona, Ni ka zamaya ni mina, kuisa kwa mafelelezo a nzila.”

<sup>40</sup> Ha ki lithonolo kwa mbuyoti bati, kuli mutu una ni pizo ya ku latelela Mulena Jesu, kuli akauhane kuzwa kwa saango sa hae sa nama kaufela, ni kulatelela Mulena. Mi haiba mutu uka bonahala ku sa ikuteka hande, ni kuyema ali sina Mukreste, kono ki ya lata lika za nama, kihande kuli ubate mutu usili wa kuba ni yena mwa saango cwale. Yeo ki niti. Mi haiba hakuna yaka zamaya ni wena, kuna ni Alimuñwi ya sepisize ku zamaya ni wena. Yoo, ki Mulena Jesu ya fuyozwi, Uka zamaya ni wena.

<sup>41</sup> Mulimu na bulelezi Abrahama kuli, “Zwa kwateni ikauhanye.” Mi ka butu fela sina mwa na inezi Abrahama,



a lwala bo ndatahe ni yena, alwala mwana mushimani wa munyana hae ni yena, mwana munyani; kaufela bona ba y ani yena. Mi Mulimu asika mu fuyola kufitela aeza san a mu bulelezi Mulimu.

<sup>42</sup> Ha ni buleli kuli ha mu Bakreste. Kuli, Ha ni nyanyifazi bukreste bwa mutu. Kono Ni ka li, cwana haiba Mulimu uku bulelezi kueza nto yeñwi, Haana ku ku fuyola konji u peta yona nto yeo. Ni yemi fa katala busihu boo ni nto iliñwi ya zeo inge ini kumalezi. Mikopano yaka haisikaba mo ne ilukela kubela, ka lilimo zepeli zefitile. Kakuli Ni swabisize Mulena. U ni bulelezi kuli, “Zamaya kwa Africa, mi kona ukaya kwa India.” Ki se fa, siñozwi ona mo, kwa mulaho wa Buka ye, onafa cwana.

<sup>43</sup> Muzamaisi wa misipili ani biza, ali, “Tuhela ma Afrikaans bao ba zamaye. India ilibezezi.”

<sup>44</sup> Moya o Kenile wa ni katana, wali, “U ye kwa Africa sina ha Ni ku bulelezi.”

<sup>45</sup> Mi mwaha omuñwi wa fita. Mi bazamaisi ba misipili. . . Ne se ni libezi ka Sona. Ki hali, “Lwa ya kwa India. Tikiti iteñi kale.”

<sup>46</sup> Se ni funduka, ni libezi ka Zona puchii konji ha Ni yo fita kwa Lisbon. Busihu bobuñwi, kuli, Ne ni nahana kuli Na shwa. Habusa kakusasana Na nanuha, kuya mwa sitapelo, ku yo tapa. Oh, Ne se ni kulile hahulu, Ne ni palelwa kuyema. Mwani, ona Liseli lani la to lepelela mwa sitapelo mwani, lali, “Ni hupula kuli Ne ni ku bulelezi kuli, ‘Uye kwa Africa, pili.’”

<sup>47</sup> Mikopano yaa ibile ifukuzeha kuzwelela ona ka nako yani. Ni ha ne niile kwa India, inge ku yemi sicaba licika la milioni kwani, kono kwani ne si kueza sana bulezi Mulimu kuli eza. Ni ikutwa kuli mikopano yaka haina kuba ye mituna yemata konji Ni yo kondisa yona taba yeo pili. Hakuna taba ka se Ni eza, ki Africa, pili, kakuli muna ni kueza cwalo. Kuna ni Linzwi la Mulimu la Kuyakuile, liteni fani. Ne ni ziba hande kufita zeo. Kono Nina ni kukuta. Mi Ni ikutwa kuli mwaha o taha wo kona nako ye Ni ka zwa mwa sikapi, ka tuso ya Mulena.

<sup>48</sup> Yona Evangeli ye kanya, ya kale yebile ihula ka swanelo, sina kota ya oke, kono Ni lumela kuli seili bukaufi ni yandulula mitai ya yona cwale. Na lumela cwalo, ona Liñusa lelituna le n into yetuna, Ni lumela kuli Mulena uka lu lumeleza ku Nyunga lifasi hape kwa kanya ya Mulimu.

<sup>49</sup> Una ni kueza sa ku bulelezi Mulimu kuli ueze. Mi Abrahamama aya ona cwalo, alwala bahabo hamoho ni yena. Na ba lata. Yeo ki kalulo ya butu. Kono kasamuaho nyana, kwaya kwaya, bo ndatahe ba timela mi a ba pumbeka. Cwale yena ni mwana munyana hae, likomano ni lifapahano za zuha. Mi, kwa mafelelezo, Lota aikungela buiketelo mi aya kwa Sodoma. Mi mu lemuhe Abrahamama, na si ka kananisana ni Lota. Na bulezi kuli, “Lu bana hamoho. Ha lu lukeli ku hohana. Kono aku nanule toho ya hao mi uye kaufela ko uka tabela kuya. Haiba uya kwa

upa, Na ni kaya kwa wiko. Hauya kwa mutulo, Na ni kaya kwa mboela.” Wani kona mutalimelo wa Mukreste, ube ya itakaleza kufa mutu yomuñwi kalulo yende mwa kutwano kaufela. Kamita u mu fe yona pili, yena aikungele keto ya hae.

<sup>50</sup> Kakuli kiñi? Kisikamañi sene si ezisize Abrahama kueza cwalo? Na zibile kuli na sepisizwe ki Mulimu kuli na ka luwa lika kamukana, nihakuli cwalo. Amen. Kacwalo, he, tende kamba sibuma, ki zañi ne lu ka li tokomela? Lika kaufela hanili ki za luna. “Mbuyoti ki ya baba ishuwa kakuli baka yola sanda sa lifasi.” Zeo kaufela ki za luna. Mulimu na bulezi cwalo. Kacwalo mufe mutu kuba ni keto yende, haiba ubata kueza cwalo. Mwendu ona zeo kona za kona fela kunga. Kono kaufela zona ki za mina, mu bo muca sanda sa kupiliswa ka sepiiso. Kaufela zona ki za mina.

<sup>51</sup> Kacwalo, Sarah, musali yomunde hahulu ka kufitisisa mwa naha, nainzi kwani kwatuko a lilundu ni muuna hae sina mwa na lukela kuezeza. Yena ka swanelo, kihande, mwendi na apezi ndelesi ya lisila, kamba kaufela se mubata kuibiza. Kanti, Musala Lota yena na apala inge mutu wa ma milioni. Mi muuna hae nali mubusisi wa tolopo. Nali muatuli yana inanga mwa munyako. Musali nana ni lika kaufela; na fumaneha kwa likwata kaufela za baluki ba bwanda bene bali kwani mwa Sodoma ni Gomora. Kono Sarah na itakaleza hahulu kupila ni muuna hae ni lico zelikani fela, mi a ziba kuli nali mwa tato ya Mulimu, kufita kuikola sifumu sani, kamba, munyaka wa sifumu ka nako nyana. Yeo ki niti. Fani kona Mulimu ha na tilo ba potela.

<sup>52</sup> Mi zazi leliñwi, wena, luli mu sa ya fela ka nzila isili, ika ku katanyeza ka zazi leliñwi. U kona kunahana kuli u iketile hande. U kona ku nahana kuli u sweli kuzamaya ka kuzwelapili, kono ha ku cwalo. Likona ku bonahala inge kuli li apesizwe hande, kono ha li si ka apeswa. Mulimu u ziba linto kamukana. Wa ziba haiba luli u talusa zo bulela kamba nee. Wa ziba ha u talusa kuli wa Mu lumela mi u pilisizwe, ni kuli u Mu amuhezi, mi u shwile kwa lika za lifasi, mi wa pila ku Kreste. Wa ziba zeo.

<sup>53</sup> Cwale, lu lemuha Abrahama, Ni bata kuli mu lemuhe ona moya wo. Oh, taba fela yende ye fuyozwi fa ki sishemo. Ni bata kuli mu bale hamoho ni na mwa kauhanyo ya 14 ya Exoda, fa nako nyana fela.

<sup>54</sup> Cwale, nto yapili yene ezahalile hane bailo fita kwani, Lota aba mwa butata. Kiñi? Na zwile mwa tato ya Mulimu. Mi haiba uba mwa butata hauli mwa tato ya Mulimu, Mulimu uka ku tusa kuzwa mwatani. Kono hauba mwa butata, kwande a tato ya Mulimu, kuna ni fela nto iliñwi ya kueza, kutela fela mwa tato ya Mulimu hape.

<sup>55</sup> Cwale, malena ba ikonga konga kaufela bona hamoho, mi ba lemuha kuli mabala nana ni mezi amañata, ki ha baya fela teñi

ku yo hapa Sodoma, Gomora, ku li hapa. Mi ba eza cwalo. Mi ha ba ma no yo hapa, ba swala hamoho ni Lota.

<sup>56</sup> Ni bata kuli mulemuhe Moya wa Krete fa ku Abrahamama. Cwale mu talime timana ya 14.

*Mi Abrahamama ha utwa kuli... (Mwautwa kana?)... mwana habo u swelwi, a kopanya batu ba hae baba eza mianda yemilalu ni lishumi ka ba baketalizoho ni babalalu, baba pepezwi mwa munzi wa hae, mianda yemilalu ni lishumi kaba baketalizoho ni babalalu, mi alelekisa bale ku yofita kwa Dani.*

<sup>57</sup> Oh, ha ki muhupulo o fuyozwi ni o wa sishemo! Abrahamama, fani mwana habo, ni ha na wile kwa sishemo, ni ha nali mwa buino bwa hae bwa kuwa mwa tumelo; ha utwa kuli lifasi li mu sweli, mi ne se ba mu sweli ni ku mu hapa, kuli ba mu bulaye, Abrahamama aeza ka Moya wa Krete. Ataha ku to fa lilwaniso baana kaufela bene ba pepezwi mwa munzi wa hae, ni ku ba latelela, ku ba matisa musipili kaufela mane ku yo punya kwa Dani. Mi Dani ki sibaka sa kwahule hahulu mwa Palestine, “Dani ku yo punya kwa Bare-sheba,” kuzwa neku leliñwi ku yo punya ku leliñwi. Mi ki mufuta wa Krete, ha Na boni kuli lifasi ne li hapile... ne li wile, kuli mane A matisa sila ku yo punya kwa mafelelezo, ku liulula hape lusika lo lu wile lwa Adama.

<sup>58</sup> Ni bata kuli mu lemuhe timana yetatama, ka bunde Moya mo ambolela ku yena. Ku lukile, timana ya 15 cwale.

*Mi akuta ni tutu (kaufela), akuta ni mwana habo Lota, ni tutu ya hae, hamoho ni basali, ni batu.*

<sup>59</sup> Abrahamama amano koma sila sene si hapile mwana habo, a si lelekela kwa mafelelezo a naha, kufita kwa Dani, mi akutisa kaufela za na latehezwi ka kuwa kwa hae.

<sup>60</sup> Ha ki siswaniso kwabunde ni seo sa Krete, Yana utwile asali kwa Lihalimu kuli ne lu latehile mi ataha ku to lelekisa sila, mane ku yo punya kwa lihele, ni kubandusa mioyo yene latehile ni ku lu tamulula mane ku lu kutiseza lika kaufela ze ne lunani lu si ka wa kale! Luna, babawile mwa tumelo, luna bane lu pepilwe luli bana ba Mulimu, baba lyanganehezi mwa kuba ba diabulosi, ni kueza... kuli lu pile ka lika za lifasi, mi lwa eza mafosisa, mi lwa mata ka buitati sina Lota mwa na ezelize, lwa lekisa litukelo za kupepwa kwa luna mi lwaya ka lika za lifasi. Krete a taha fafasi. Niha ne luwile cwalo; Mulimu, inza ziba kuzwa kwa makalelo babane ba ka piliswa ni babasike kupiliswa, mi ki ha taha fafasi ku to lelekisa sila mwa bupilo, kuisa lifu, kuyoisa ni kwa paradaisi, kukena mwa lihele. Mi nzila kaufela kuzwa kwa Kanya kuya kwa lihele, mi ahatelela ni—ni mata a lihele, ni linotolo ku amuha diabulosi, mi a zuha hape, mi ali kutiseza kwa batu, kuli babe bana ba bashimani ni ba basizana ba Mulimu hape.

61 Mubone Moya ku Abrahama kwani, ki Moya wa Kreste ono taha ni yena?

62 Cwale Ni bata kuli mulemuhe halunze lu ya fapata nyana, halunze lubala.

*Mi mulena wa Sodoma ayo mu katanyeza amano bulaya mulena yo Kedorelaomere, mi. . . mi malena. . . nebali ni yena, mwa libala la Shave, kikuli musindi wa mulena.*

63 Ba zwela kwande. Mulena wa Sodoma a kutiswa. Mwana habo na kutisizwe. Bana ba kutiswa. Mi ki ha kutaha malena ku yo mu katanyeza. Mi, hape, fa kona fo Ni bata kufita teñi, liñusa cwale. Mutalimele fa.

*Cwale—cwale Melekisedeke, mulena wa Salema (Mulena wa Jerusalema, Mulena wa kozo) atisa buhobe ni veine: neli muprisita wa Mulimu muambakani yapahami.*

*Amu fuyola, ali, Kufuyolwe Abrahama ki Mulimu muambakani ya pahami, muña lihalimu ni lifasi:*

64 Melekisedeke, Mulena wa Salema, na iponahalize ili Yena mwahala malena babañwi. Mi mulemuhe, ndwa ne se ifelile, Moya wa Mulimu ku Abrahama, wa Kreste, yana kutisize mwana habo ya wile, mi amu kutiseza mwa sibaka sa hae se si lukela, kwa lika kaufela za na latehisize. Na sa li kutisize. Mi amano li kutisa, Atisa buhobe ni veine, za mulalelo. Kana mwabona yo Melekisedeke Yani nali yena? Ne li Mulimu. Atisa mulalelo, kasamulaho wa ndwa.

65 Cwale ha lu apuleni hape, mwa Mateu 26:26, kapili fela, ni kubona sa na bulezi Jesu fa ka zeo. Mwa Buka ya Mateu, kauhanyo ya 26 mi hape ni timana ya 26, lu bata kubala hanyinyani fa. Ku lukile, Mateu 26:26.

*Cwale Jesu a ya ni bona kwa sibaka se si bizwa Gologota, Gologota, kamba, Getisemani, Ni taluse, a bulelela balutiwa ba hae ali, Amu ine mo, na Ni sa yo lapela mwani.*

66 Ni lumela kuli Ni ngile Liñolo lisili. Mateu, ya twenti-. . . timana ya 26 kuzwa mwa kauhanyo ya 26. Haiba kuna ni yana ni yona, aku ni balele yona, haiba uka—uka kona kuifumana. Fa muzuzu fela. Wo ki mufuta omunde fa. Hani lati kuli mu tokwe kuswala zeo. Ki luna ba fa. Ki yona yafumani, kezeli.

*Bali ba sa ca, Jesu anga buhobe, a lumba, . . .*

Neli sikamañi? Ndwa ne se ifelile.

*. . .abu komauna, a bufa balutiwa ba hae, mi ali, Munge, mi muce; se ki mubili wa ka.*

67 Mwabona Melekisedeke yoo? Mianda anda ya lilimo, ha Na katani Abrahama, kasamulaho ndwa ifela, Na ba file buhobe

ni veine. Mi fa Jesu u fa kwa balutiwa, kasamulaho ndwa tuna ya Hae ifela, A ba fa buhobe ni veine. Mutalime. Mutalime za kwapili ze sa Taha.

*A nga ni sinwiso, mi—mi aitumela, a ba fa sona, ali, Munwele mwateni kaufela;*

*Kakuli se ki mali aka a bulikani bo bunca, a sululelwa . . . libi ni swalelo ya libi.*

*Kono Ni li ku mina, Hani sana kunwa ku se si beiwa ki kota ya veine, mane kufitela lizazi le Ni ka sinwa ni mina ili se sinca mwa mubuso wa Ndate.*

<sup>68</sup> Lu mwa mafulo a ndwa cwale. Lu bata bata muhaesu ya wile, yoo Mulimu, kusi ka ba kale mutomo wa lifasi, na boni ni ku mulukiseza kwa Bupilo Bobusafeli. Mi lika za lifasi li mu sweli mwa kakundukundu. U zwezi kwande a likwata ni litopa, yena ni musala hae, inza zamaya kwa ni kwa mwa mikwakwa, kuzuba ni kunwa ni kuwabelwa ka butanya, inza lika kufumana kozo. Mi Moya wa Kreste ku luna, sina mo ne kubezi ku Abrahamama, lwa mu latelela. Ni lilwaniso kaufela za Mulimu, Mangeloi a Mulimu aina bukaufi, lu na ni kukutisa muhaesu ya wile mwa tumelo.

<sup>69</sup> Mi cwale ndwa imano felelela, lu ka katana Melekisedeke hape, kufuyolwe Mulimu, Yana fuyozu Abrahamama kwani, mi amufa mbuyoti, ni ku mufa buhobe ni veine, za mulalelo. Mi cwale ndwa imano fela, lu ka yo Mu katanyeza. Luna babali bo muca sanda sa sepiso ya Abrahamama, babana ni sanda hamoho ni Kreste mwa Mubuso, lu ka Mu katanyeza mwa nzila, ni kunga buhobe ni veine, hape, foo ndwa ha se ifelile.

<sup>70</sup> Ki mañi Melekisedeke yoo? “Yena ya Na sina ndatahe, ya nasina mahe, ya nasina makalelo a mazazi kamba mafelelezo a bupilo.” Ukaba teni Kwani kuli a yo fa mulalelo hape. Mwa utwa nji? [Kopano ili, “Amen.”—Mu.]

<sup>71</sup> Ha lu akufisa, masihu amañwi, ha lu taha hamoho ni kunga mulalelo mwa mazoho a bakutazi, kubonisa kuli lu lumela mwa lifu, kupumbekwa, ni zuho ya Mulena Jesu, kuli lisila lani, mubili wa Hae wa Na apezi ku ona, Mulimu, lwa i amuhela, ka kuba fela sisupo sa kuli, “Lu shwile kwa lika za lifasi, mi lu pepilwe sinca ka Moya.” Mi lu zamaya ni Mubili wa Kreste, balumeli kaufela hamoho.

<sup>72</sup> Foo ndwa tuna ha se ifelile, mi lu zuha hape ni Kreste, lu ka ca mulalelo ni Yena mwa Mubuso wa Mulimu, sinca; ni ku ca nama, ni kunwa mali a gilepu hape, mwa Mubuso wa Mulimu. Oh! Ki yani Melekisedeke. Ki Yena yo nali Yeni.

<sup>73</sup> Cwale ha lubaleni fa pata nyana ka Yena fa, ni timana ya 18.

*Mi Melekisedeke mulena wa Salema atisa buhobe ni veine: . . . (Mwa utwa nji?) . . . mi neli muprisita wa Mulimu muambakani ya pahami.*

*A mu foyola, mi ali, Ku fuyolwe Abrahama ki Mulimu muambakani yapahami, muña lihalimu ni lifasi:*

*Mi amu fuyola, . . . Mi a fuyola . . .*

*Ku lumbiwe Mulimu muambakani ya pahami, ya ku file lila za hao mwa mazoho a hao. Mi amu abela i li ñzwi ku ze lishumi za lika kamukana.*

A lifa zabulishumi ku Melekisedeke. Abrahama a Mu fa iliñwi ku zeshumi za lika kamukana.

<sup>74</sup> Cwale ni bata kuli mulemuhe fa Paulusi hasweli kuzwelapili fapata, kufa makalelo a tuto yetatama cwale.

*Mi Mulena wa Sodoma ali ku Abrahama, Nife batu, u i pulukele tutu.*

Cwale, mulena wa Sodoma ali, “Cwale, uni fe fela batu baka, mi u ipulukele tutu.”

*Mi Abrahama ali ku mulena wa Sodoma, Ni yemisa lizoho laka ku MULENA, Mulimu muambakani yapahami, . . .*

*El Elyon, “muña lihalimu ni lifasi,” foo.*

*. . . muambakani Mulimu yapahami, muña lihalimu ni lifasi,*

*Nili Hanina kunga se siñwi sa hao nihaili bwanda nihaili kwele ya sikatulo, . . .*

Na sina mukopano omutuna wa ku lwala masheleñi. Na bata fela muhabo ya wile kihona.

*. . . mi Hanina kunga sesiñwi sa hao, kuli u si ke wali, Ni fumisize Abrahama:*

*Haisi fela se si cilwe ki batanga baka, ni se si ka abelwa baana babaile ni na, . . .*

<sup>75</sup> Cwale, Ni bata kuli mulemuhe, Abrahama uli, “Hanina kunga nihaili kwele ya sikatulo.” Na si ka lwana ndwa, kuli apangele fateni masheleñi amañata. Mi lindwa za niti ha li lwaniwangi ka maikuto a buitati. Lindwa ha ki za kulwanela masheleñi. Lindwa li lwanelwa bakeñisa—bakeñisa milelo, ka milao. Batu ba lwanelanga lindwa ka milao. Mi cwale Abrahama hana ilo kanyeza Lota, na si ka ya ka kuziba kuli na ka yo shapaka malena ni kuhapa tutu ya bona kaufela, na yezi mulao wa ku yo “lamulela mwana habo.”

<sup>76</sup> Mi mukutazi kaufela ya lumiwa mwatasa tozo ya Mulena wa Lihalimu, haana kuyela masheleñi; kamba kuli ayele ku yo panga likeleke zetuna, kamba kuli ayele ku yo susumeza likopano. U ka yela fela mulao ulimuñwi, mi wani kikuli, “Akutise muzwale wa habo ya wile.” Kamba u amuhela kapene ka muwayawaya mwa koleko kamba kutokwa, halina kueza shutano ni yekana ku yena.

77 Sina ha Ni ize, “Lindwa za luli li lwanelwangwa bakeñisa mulao mi isi masheleñi.” Mi baana ni basali baba ikopanya mwa keleke ni kutaha mwa keleke, ku to ba fela ni kabubo, kakuli ba ha *Jones* ba fumaneha ona koo, kamba ba cinca keleke ya bona kuzwa kwa keleke yenyinyani kutaha kwa kuba keleke yetuna, u eza zeo ka mulelo wa buitati mi haili mulao wa niti ha u zamaeleli ni ona mwa mulaho. U lukela kuitakaleza kuyema mwa mafulo a ndwa.

78 Mwa tabernakele mo, ha ku fosahala lika, mi mina baana ni mina basali mwa mata ni kuya kusili, kamba kuitulela kwa malapa konji ku sa utwana kamba kuhohana ha se ku felile, kuna ni se si fosahalile ni kutwisiso ya kulumela kwa mina. Kiniti.

79 Luna ni mulao mo. Luna ni—luna ni mulao kulo mo. Keleke ye itomilwe fa lituto za Bibe. Haiba kuna ni yomuñwi mo ya sa ezi ka swanelo, mi mu hupula kuli ha ezi ka swanelo, u ye ku yena mi u ambole ni yena. Haiba upalelwa ku kutisana ni yena, kipeto u ye ni muzwale yomuñwi, alimuñwi kamba bababeli cwalo. Haiba uka pala ku mi utwa niteñi, kipeto mu bulelele keleke. Mi keleke ika mu lukulula, musike mwaba ni ku kopana hape ni yena. Mi Jesu naize, “Kaufela se mu ka tamulula mwa lifasi, Ni ka si tamulula mwa Lihalimu.”

80 Ki kabakaleo hamuna ni matata hahulu amañata, kakuli hamu latelelangi milao ya Bibe. Haiba mutu yomuñwi mwa keleke utisa musunga, kamba kuna ni ze sweli kufosahala, ha ki musebezi wa hao wa kupota pota unzo seba muuna yani kamba musali yoo. Ki musebezi wa hao ku muyela yena muuna yoo kamba musali, ni ku mu bulelele bufosi bwa hae. Mi haiba haana ku kuutwa, u zamaye ni mutu yomuñwi kwateni. Ni cwalo hapalelwa ku ba utwa bao, fo he kipeto keleke i mu lukulule. Jesu naize, “Se mu tamulula mwa lifasi, Ni ka si tamulula mwa Lihalimu. Se mu ka tama mwa lifasi, Ni ka si tama mwa Lihalimu.” Ao kona mata a keleke.

81 Kwanu ha ki kale hahulu, mukutazi yomunde mulikana ka, nana ni mwana mushimani, mi mushimani yani na nza kena keleke, keleke ya hae tota. Afita fa kuli na kalile kumata mata ni musizana yomuñwi cwana yana zubanga ni kukolwa ni butanya. Mukutazi ali, “Eeni sha, ki mulatu wa hae.” Mulikana ka luli ya latiwa, ni mushimani yomunde. Kono a yaulukiswa hahulu ki kalibe; mi na sa nyezwi mama wateni, mane nana ni bana, muuna hae na pila. Na saba kuli ba ka ba ni . . . mbututu kipeto mushimani yani na ka munyala. Kacwalo, muzwale a zieleha maswe maswe. Mi ki hali ku na, “Muzwale Branham, Ni bata kuli uye ku mushimani waka wa *kuli-kuli*. Ni bata kuli u ambole ni yena.”

82 Se nili, “Muzwale . . .” Ni batile ku mu punda libizo. “Una ni nzila yende. U si ke wa ni luma. Haiba mushimani ha pili ka swanelo, mi keleke imuboni kuli u eza mafosisa, konakuli ki

musebezi wa keleke kueza taba yeo. Zeo li siyalezi kwa keleke. Mi keleke ika mu bulelela.”

<sup>83</sup> Kacwalo anga muzwale, mi a yo ambola ni yena. Mi akutela ku muzwale, ku mu zibisa kuli na patehile ni misebezi yemiñwi ya hae, kuli ayo eza ze swana. Anga muzwale yomuñwi, bababeli cwalo, madikoni bababeli ba yo ambola ni mushimani. Na si ka ba teezeza. Ba bulelela keleke. Mi na si ka taha ka masihu nyana, kuli akutisane ni keleke kasumulaho wa sibi sa hae kubulelwa kwa keleke. Mi, keleke ya mu tamulula.

<sup>84</sup> Mi kasumulaho fela wa kweli kamba ze cwalo a natiwa ki katabi, mi dokota ali, “Hakuna mukwa ni omukana mwa lifasi kuli apile.” Cwale ki ha ikupula. Mulimu wa zina mwa ku ezeza lika.

<sup>85</sup> Lu lika kuezanga lika luna bañi, “Oh, mu lukela kuleleka mukete wa *kuli-ni-kuli* azwe mwa keleke. Mu lukela kueza *se, sani*, kamba *sesiñwi*.” Kikuli muezize kalulo ya mina sina keleke ka zeo? Ki fohe cwale. Yeo kona nzila yak u baeza kuli ba ikupule, mu ba lelekele ku diabulosi nako yeñwi.

<sup>86</sup> Ki sikamañi sa na bulezi Paulusi ka muuna yo yana pila ni bomahe ba mutose? Ne ba si ka kona kukutisana lipilu ni yena. Bali, “Amu mu kasheze ku diabulosi.” Mutalime se si ka ezahala. Mi mwa liñolo le litatama Paulusi uñola kuli, muuna yo natilo sikuluha. Luli. Mulimu una ni nzila ya kueza lika ze ka yona, haiba lu ka latelela fela milao ya Hae.

<sup>87</sup> Haiba kuna ni se si fosahala mwa keleke, haiba ki mwahala kopano, mañi ni mañi wa mina mizwale. Haiba kwa sikwata sa madikoni, alimuñwi wa mina madikoni ha ezi ka mulao, madikoni babañwi ba tahe mi babize mukopano, balike ku buhisana ni muzwale, ba mu bulelele kuli u fosize; kamba alimuñwi wa mina ma membala, semuli sona kaufela. Kona kuli sina ni ku tiswa fapila hae. Haiba haana ku si eza, kipeto mu to bulelela bo mulisana. Kutuha foo, uka lelekwa mwa keleke, mi kipeto abe fela sina muhedeni kamba mulicaba. Kipeto mutalimele Mulena mwa ka belekela ku yena. Mwabona, fani kona fa ka ikupulele ni kuinyaza. Fani kona fa ka taha inza hohoba. Kono ha lu lika kueza ka mo lubonela fela luna, mwa ziba, kulika kueza lika. . . kaufela ka mo luna ni ku li ezeza, cwale, haluna ku kondisa lika.

<sup>88</sup> Cwale, Melekisedeke yo, Mulena wa Salema, Nabi, Muprisita wa Muambakani ya Pahami, akatanyeza Abrahamama mi a mu fuyola. Ni ku Mufa za bulishumi, Abrahamama naezize cwalo. Mi neli Mulena wa Salema. Mi A tisa buhobe ni veine, za mulalelo, mi alifa ku Abrahamama kasumulaho wa ndwa, kasumulaho baana bamano komiwa.

<sup>89</sup> Cwale, “Lindwa kaufela,” sina ha Ni bulezi, “li lwanelwangwa ka mulao.” Cwale, haiba muna ni ndwa nyana mwa keleke, ilukela kuba ka mulao o lukile. Mu lukela



kulwanela nto yende. Mi membala ufi ni ufi wa keleke ulukela kueza cwalo. Cwale, tuto ye ki ya keleke. Zeo kona ze lubezi teni mo. Zeo kona ze Ni yemela. Zeo kona Linzwi la Mulimu ze libezi teni, ki za keleke.

<sup>90</sup> Musike mwa tuhelela sika kaufela kutibela keleke ye. Haiba sa itibela, mukaba ni mulatu, mañi ni mañi wa mina. Mi ni wena, mwa likeleke za mina ze shutana, haiba kuna ni se si sweli kufosahala mwa keleke ya hao, una ni mulatu, kakuli u mutoneli wa keleke yeo. Ha ki taba ya mulisana. Ha ki taba ya sikwata sa madikoni. Ki taba ya hao, wena ulinosi, kuli uyele muzwale yoo ni kubona haiba wakona ku mu kutiseza mwa nzila. Haiba kupala, konakuli ulwale bababeli kamba babalalu, mi mu yo kuta. Ha sa utwi bao, mu bulelele keleke. Kipeto uka lelekelwa kwande a Mubuso wa Mulimu. Mulimu naize, “Ha mu ka mu leleka mwateni, Ni ka mu leleka Mo, haiba mu zamaile ka mulao woo.” Kipeto Uka lumeleza diabulosi kuli amu yahe. . . kwa sinyeho ya mubili wa hae. Mi kona aka kuta. Yeo ki niti. Yeo kona nzila ya ku mu kutisa ka yona. Haiba ki mwana Mulimu, uka kuta. Haiba ha ki mwana, kupalañi—kupalañi, uka yelela, mi kipeto diabulosi uka mu lumela kwa sibaka sa hae sa Kuyakuile.

<sup>91</sup> Cwale, milelo yateni. Haiba mukena fela mwa litaba za mutu, kona kuli fo hape kwa shutana. Kono, haiba muuna wateni una ni mulatu! Mi Lota na sa totobezi luli ni kuwa mwa tumelo, ni ha nali Muheberu. Na sa totobezi mi na wile. Nali mwa sishemo, kono na wile ku sona. Mi cwale ha na zwile mwateni. . . Mi Lota—Lota na pilisizwe. Musike mwa be munahana kuli Lota na si ka piliswa. Na pilisizwe. Kakuli, nako kaufela hanali mwa sibaka se si fosahaliile, Bibeke ibulezi, kuli, “Libi za Sodoma ne li nyandisa moyo wa hae o lukile zazi ni zazi.” Cwale, mubili wa hae nosweli kueza nto yeñwi. Mi mafelelezo a hae neli sikamañi? Atisa maswabisa hahulu. Musala hae a fetuha kuba sikoto sa lizwai. Apepa bana ka bana ba basizana ba hae. Kacwalo, mwakona kubona maswabisa ana zwile mwateni, kakuli na wile kwa sishemo mi nasika kutela hape. Mi Mulimu nana ni ku mu zwisa mwa lifasi.

<sup>92</sup> Kono, niteñi, nali muzwale ya wile, mi Abrahamama aeza kaufela za na kona kuli amu kutise hape. Mi Moya o no li ku Abrahamama, kona Moya wa Krete oli mwa keleke kacenu. Hakuna taba kamba muzwale u ezize sikamañi, uka eza kaufela zo kona kuli u mu kutiseze mwa sibaka sa kopani ni Krete hape. Hakuna taba kamba uezize sikamañi, uka lika ka tata.

<sup>93</sup> Cwale, lu bata kulemuha fa cwale hape, halunze lu zwelapili ni tuto ye ya Melekisedeke, yena Muprisita yomutuna wa Salema yoo, ni muña Lihalimu ni lifasi. Cwale, kakuba pili kuli:

*Ki ya sina ndatahe, ki ya sina mahe, ki ya sina lusika,  
asina fa kalela mazazi, kamba fo bu felela bupilo; kono*

*u ezizwe sina Mwana Mulimu; ali muprisita wa linako zesafeli.*

Cwale mutalimele. Na si Mwana Mulimu, Nali Mulimu wa Mwana. Na si Mwana Mulimu, Melekisedeke na si cwalo, kono neli Ndatahe Mwana Mulimu.

<sup>94</sup> Cwale, mubili wa Na nani wani, Na u bupile. No si ka tiswa ki musali. Kacwalo ka mubili ono bupilwe wani, Na si ke ku. . . Yomuñwi ya Na bupile, Yena muñi, kuli a ipatulule Iliyena.

“Hakuna mutu yakona kubona Mulimu ka nako kaufela. Mulimu ki moya.” Meeto a butu abonangi lika zeo, konji haiba ki mwa mufuta inge Siita sa Mulilo, kamba kuli ki sikamañi kaufela, kamba mwa mufuta wa sibupiwa sesiñwi se ba boni ka pono. Kono haili. . . Mulimu una ni ku i patulula Iliyena ka nzila yeñwi. Mi Mulimu a i patulula Iliyena ku Abrahama, mwa mufuta wa mutu. Na i patuluzi Iliyena ku Mushe, mwa mufuta wa mutu. A i patulula Iliyena kwa bana ba Isilaele, mwa mufuta wa Siita sa Mulilo. A i patulula Iliyena ku Joani Mukolobezi, mwa mufuta wa liiba. Mwa bona, A i patulula Iliyena mwa mifuta yani.

Ha Na sweli ku i patulula Iliyena mwa mufuta wa Mutu, sina Mulena wa Salema; wa Jerusalema; isiñi Jerusalema ya lifasi, kono Jerusalema ya Lihalimu. A i patulula Iliyena mwa mufuta wani. A ezwa “inge” Mwana Mulimu.

<sup>95</sup> Cwale, Mwana Mulimu nana ni kutaha kufitela ku musali, kuli a to bupiwa fa; ka mba ya musali, kakuli ka yona taba yeswana yani kutahile lifu.

<sup>96</sup> Mi Na si ka taha ka kubupiwa sina Mulimu mwa na ezelize kwa simuluhó. Fani Mulimu ha eza mutu kwa simuluhó, musali na sina sa kueza ni zona. Mulimu na bulezi fela kuli, “Ha kube sakuli,” mi mutu a zwa mwa liluli. A mu biza, kusina kuba ni musali wa kueza sika fateni. Kono, haili musali, nali cwale ku muuna.

<sup>97</sup> Mi Mulimu anga musali kwa likupo la Adama. Kana ku cwalo? [Kopano ili, “Amen.”—Mu.] Mi cwale musali apepa muuna ka kukopana. Kacwalo nzila fela inosi yeo Mulimu akona kueza. . . Na si ka taha mwa mubili wa bungeloi wani. Na si ka taha ka kuba sina Melekisedeke. Nana ni kutaha sina Mutu, mi Nana ni kutaha ka musali. “Peu ya hao ika pyata toho ya noha, mi toho ya hae ika luma kwa lisito la Hao.” Mwa utwa? [“Amen.”] Mulimu nana ni kutaha kufitela ku musali; mi A eza ona cwalo, mi ha Na pilile mwa mubili wa Hae wa Mwana Hae, Kreste Jesu. “Mulimu nali ku Kreste, inza kutisana lipilu za lifasi ku Yena.” Mi A fa Mali a Hae Tota sina sitabelo. Mi a fa Bupilo bwa Hae, kuli ka nzila ya lifu, Akone ku mi pilisa kutaha kwa Bupilo Bobusafeli.

<sup>98</sup> Kacwalo Mulimu ataha he, mi A ezwa sina “yaswana ni” Mwana Mulimu. Mwabona? Na li Muuna ya ezizwe *sina* Mwana

Mulimu. Cwale, Na si ke kuba Mwana Mulimu, kakuli Muuna yo ki wa Kuyakuile.

<sup>99</sup> Mwana Mulimu nana ni makalelo, Nana ni mafelelezo. Nana ni—ni nako ya kupepwa kwa Hae, Nana ni nako ya lifu la Hae. Nana ni bubeli bwa makalelo ni mafelelezo. Nana ni bubeli bwa ndate ni me.

<sup>100</sup> Muuna yo yena nasina ndate kamba me, makalelo kamba mafelelezo. Kono Na ezizwe, Muuna yo, Melekisedeke, na ezizwe *sina* Mwana Mulimu.

<sup>101</sup> Cwale, haili Mwana Mulimu, ha Na tile mwa lifasi, mwa mufuta wa musali, kamba, ka musali, mwa mufuta wa muuna, mi a bulaiwa, a zuha hape ka lizazi la bulalu, azuhela ku lu beya baba lukile, cwale U pila kamita. Mi haibile fela mubili wani wa pila, lwa pila ni luna. Mi kakuli Na zuhile kuzwa mwa liluli, lu ka zusiwa mwa kuswana lwa Hae. Ki leo likande la Evangeli. Kufuyolwe Libizo la Mulena. Haki Mangeloi, haki libupiwa za moya, haki sishañata sa mafufa aliteni, kono ki baana ni basali, amen, baba yemi mwa siswaniso sa Hae. Eeni, sha.

<sup>102</sup> Sina ha Ni bulezi hañata cwana, Na bulela cwalo hape fa ka nako ye. Ku bonahala kuswanela. Ne si sweli kukamuna, mwendi ka milili ye ketalizoho kamba yesilezi ye Ni nani ye siyezi. Mi musala ka ali, “Billy, se u sheuka sitenda.”

<sup>103</sup> Se nili, “Kono ha Ni si ka latehelwa ki ulimuñwi wa yona.”

<sup>104</sup> Ki hali, “Ikai kana?”

<sup>105</sup> Se nili, “Ni bulelele kone iinzi Ni si kaba kale ni yona, Ni ka ku bulelela ko isweli ku ni libelela.” Yeo ki niti.

<sup>106</sup> Ne ni banga mu—mu mulwani, wa liñindi. Ne ni tiile mi yomukima. Mi Se ni tuhela, hane muka beya kekeke ye fa mukokoto waka, Ne ni ka zamaya mwa mukwakwa ni yona. Ne ni ka mi bulelela, ha Ni zuha kakusasana ni kakusasana cwale, Ni lemaha kuli kuna ni myaha ye mashumi amane ni kuekeza fahalimu ye fitile. Mwabona? Ha ni sa li mo ne Ni belanga. Niya ni fokola, zazi ni zazi. Hani talima fa mazoho aka ni kunahana kuli, “Talima fa. Kihande, Ni ya ni ba muuna muhulu.” Ni talimela fa maheta aka. Ni bona kuli Ni nunile luli. Ne ni tinelanga lukanda fa twenti-eiti. Ni tinela fa seti cwale. Mwabona, Ni y ani supala, na nuna, inge ni fokola.

<sup>107</sup> Ki sikamañi seo? Ni ca lico ze swana ze ne Ni canga. Ni pila wa makete mi ya tokomela kufita mone Ni pilela, ki nto yeswana. Kono Mulimu u ni tomezi nako, mi Ni lukela ku iamuhela. Kono muhupulo o fuyozwi, ki wa kuli, ka lizazi lani, U ka ni zusa hape. Mi lika kaufela zene Ni li zona hane Ni li wa myaha ye mashumi amabeli ni ye ketalizoho ya kupepwa, Ni kaba cwalo hape kuyakuile. Amen. Ki fohe cwale. Kusupala ku ni bilaeza sikamañi? Ni natile diabulosi ku zeo ka myaha ni myaha, inze ni ziba, kuli Ni lumela ku Yena. Nako nyana ye ki nyinyani fela, nto

yekuswani, niteñi. Kambe ne luka pila fela ma twenti amalalu ni lishumi, lilimo ze mashumi asupla za kupepwa, nako ya luna ye sepisizwe, kisikamañi—kisikamañi seo kwanda manyando ni maswabu? Ki sikamañi seo? Kikuli mukona kucincanisa ndu ya likokwani ye ni yani ye kanya kulo kwani?

<sup>108</sup> Kiñi, kufuyolwe Libizo la Mulena! Sesiñwi mwahali ku na ne si katani Melekisedeke yani zazi leliñwi, mi A bulela kozo kuna mi A nifa Bupilo Bobusafeli. Mi bupilo ha ku butalusi sesiñwi kwanda kuba fela tabernakele mwa ku kutaleza Evangeli. Ni bulela ka busepahali kaufela, ni Libilele zepeli ze kwaluhile fapila ka zee. Mi haiba Mulimu waka nali ni na mwa kukutaza Evangeli, mi hakuna ze Ni konile ku Mu ezeza, bana baka ba hulile mi bakona kuiponela, mi U bata ku ninga ona fa cwana, “Amen,” zeo kona mafelelezo ateni. Eeni, sha.

<sup>109</sup> Ki shutano mañi ye liteni haiba Nina ni myaha ye mashumi a eite kamba Ni nani mashumi amabeli? Ni bezi fela mo bakeñisa nto iliñwi: ku sebeleza Mulena. Ku felile. Haiba Na kona kukutaza Evangeli sina mo Ni konela kuezeza cwalo ka nako ye, ha Ni ba ni lilimo ze eite, ki shutano mañi yeliteni kamba Ni wa myaha ye mashumi amane kamba a eite? Kuna ni batu babañata hahulu ba lilimo ze eite busihu boo. Mi kuna ni bana babañata baba ka shwa, kanti muuna wa myaha ye eite ukapila ku ba fitelela kaufela bona. Ki shutano mañi ye liteni? Ki milelo ya mina, milao ya mina, mi luteni mo ku to sebeleza Mulena Jesu. Ku felile.

<sup>110</sup> Ka kuziba cwana, kuli, “Bupilo bo ki puka bo mutu abulela fateni; bone bubanga teñi, mi kipeto habusaliyo.” Kono haiba luna ni Bupilo Bobusafeli, Mulimu u sepisize kuli Uka lu zusa hape. Mi luka yo ca mulalelo ni Yena mazazi a sa felile, mi cwale Ha bulela kuli, “A mukene mwa tabo ya Mulena, ye lukiselizwe mina haisamba lifasi litomwa.”

<sup>111</sup> Cwale ki shutano mañi ye liteni fa, kamba lunani lika kamba haluna? Kamba lu banana kamba lu sepezi, ki shutano mañi yeliteni? Taba yeteni, kana muitukiselilze ku Mu katanyeza? Kikuli mwa Mu lata? Kana muka Mu sebeleza? Kikuli mu itekisize kwa lika za lifasi? Kana mu mukopani Melekisedeke kuzwa fo ifelezi ndwa?

<sup>112</sup> Kufuyolwe Mulimu! Mwendu seli lilimo ze mashumi amabeli ka silisiñwi za kupepwa, Ne ni bile cwalo, mi zazi leliñwi Na ba ni ndwa ka *se, sani*, ni *sesiñwi*. Ne ni sa zibi kana Ni bata kuba mulwani, kamba Ne ni bata kuba muteyi wa malaba, kamba muzumi, se Ni bata kuba sona. Kono Na katana Melekisedeke, mi A nifa mulalelo, mi kuzwelela ona nako yani kwa fela handende kuyakile. Haleluya! Ni ile kwa neku la Hae. Ni bile ni nyakalala mwa nzila. Mi hanita fita kwa mafelelezo a musipili, mi lifu li ni talimezi mwa pata, mo Ni ikutwela fa cwale, Ha nina ku li saba. Ni ka zamaya, ni ka bata ku yo talimana ni lona mwa pata, inze ni ziba cwana, kuli Ni ziba Ya file sepišo, yeo ki niti, kuli

Na Mu ziba mwa mata a zuho ya Hae. Ha Ka biza kuzwa kwa bafu, Ni ka zuha mwahala bona. Yeo ki niti, ku Mu ziba mwa mata a zuho ya Hae. Ki shutano mañi yeliteni ku sona, kamba Ni supezi kamba ni mwanana? Kamba Ni yomunyinyani kamba Ni yo mutuna? Kamba Ni kusi kamba Ni lapile? Kamba Ni na ni sibaka fa kulobala kamba Hanina sona?

113 “Linyunywani lina ni liyaletto, ni mawawa ana ni misima, kono haili Mwana mutu yena haana fa kusameza toho ya Hae,” kono Nali yena Mulena wa Kanya.

114 Lu malena ni baprisita busihu boo. Ki shutano mañi yeliteni kamba lunani kamba haluna? Haibile fela luna ni Mulimu, lu fita batuli. Lu fita batuli. Lu inzi fapila Kubateni kwa Mulimu, mwa kutwano ya Moya o Kenile, lunga mulalelo wa Moya kuzwa mwa mazoho a Ya pakile kuli, “Kina ya Na shwile, mi na pila hape, mi Na pila kuyakuile.” Luinzi hamoho mwa libaka za Lihalimu ku Kreste Jesu. O kufuyolwe Libizo la Hae leli kenile. Ki shutano mañi ye liteni?

Tende kamba sibuma, ki zañi ha Ni ka li bilaela?

Ba sweli kuni yahela muleneñi kulo Kwani!

Otezi butale bwa daimondi, ni silivera ni gauda,

Likwama za Hae zafufula, Una ni sifumu se si sa konahali kubaliwa.

115 Ne ni Mu katani zazi leliñwi ha Ni zwa kwa ndwa. Na lula mupuzo waka fafasi. Hani si ka lwana ndwa kuzwelela ona fani; Wa ni lwanela kwateni. Ni itingeta fa sepiso ya Hae, ka kuziba cwana, kuli Na Mu ziba mwa mata a zuho ya Hae. Ki zona fela zeli butokwa. Ki sikamañi hape sesina ni butokwa?

116 Ki sikamañi selukona kueza? Ki zañi za ku bilaela kikuli lika ekeza ñokolwa iliñwi kwa butelele bwa hao? Ki zañi zo bilaela kamba milili ya hao itatani, kamba una ni yemikana kamba kutokwa? Ki shutano mañi ye liteni? Haiba u supezi, haiba se una ni limbi, haiba maheta a hao a weyukile, haiba ha u cwalo, ki shutano mañi ye liteni? Amen. Se ki sa moya fela, fa nako nyana, kono Lani ki la kuyakuile ni kuyakuile. Mi libima za nako halinze li taha cwalo, masika asweli kutaha cwalo, hamuna ku cinca, ni kufita mwa masika a Hae a Kuyakuile asafeli. Ki shutano mañi ye liteni?

117 Ni tabile hahulu Ni Mu katani. Ni tabile hahulu U ni file mulalelo, zazi leliñwi, yena Melekisedeke ya swana yana katani Abrahamama yani hazwa kwa kubulaya malena. Kiniti. “Yena Mulimu wa Lihalimu,” yena *El Elyon*; yomutuna “NITENI,” isiñi yali Ne ni liteni; NITENI, tensi ya cwale. “Mi A ni fuyola.”

118 Amuteeleze kwanu fa pata nyana, kuli lukone kuba ni kutaha fakaufi nyana hamoho. Cwale timana ya 4.

*Cwale amubobe mwa na bezi butuna mutu yoo, . . .*

Ni nahana fela cwalo, nina. “Mu lemuhe butuna mwa na bezi Muuna yo.” Yena u fitelela Mwana Mulimu. Mwana Mulimu nana ni ndate ni me; Yena na sina. Mwana Mulimu nana ni makalelo a nako ni mafelelezo a nako; Yena nasina. Yani neli mañi? Yani neli Ndate wa Mwana. Yani ki Yena luli yo nali yena.

*...mulemuhe butuna bwa muuna yo, kuli...mane nahaiba mupatriareka Abrahamama na mu file nto iliñwi ku zelishumi kaufela za tutu ya hapile.*

119 Cwale hamuteeleze ka tokomelo.

*Mi mane bona beili bana ba Levi, baba amuhela sibaka sa musebezi wa buprisita, bana...ni mulao wa kuamuhela za bulishumi kwa sicaba kuya ka mulao, fo kikuli, bana bahabo, ba zwile mwa teka ya Abrahamama:*

120 Cwale hamulemuhe se haiba mubata kubona nto yeñwi.

*Kono yena yoo lusika lwa hae ha lu si ka zwelapili... kuzwa ku bona baba amuhezi za bulishumi ku Abrahamama, mi a mu fuyola yena yana bile ni sepišo.*

121 Abrahamama nana ni sepišo, mi Muuna yo afuyola Abrahamama yana na ni sepišo. Yo neli mañi? Bana ba Levi ne ba lifile za bulishumi kwa mizwale ya bona kamba... Mizwale ya bona ne ilifile za bulishumi ku bona. Nebana ni taelo ya Mulena kuli ba amuhele sa bulishumi se ne ba file bana ba habo bona, kwa kuipilisa kwa bona, mi kakuli nebali mwa buprisita. Cwale, sani si lukulula buprisita bwa Melekisedeke, sina hamunze mu ambola, ona fo. Yeo ki niti. Kono Muuna yo... Mane nahaiba yana n ani sepišo, yena muuna yomutuna kufititisa fa lifasi, Abrahamama, ha katana Muuna yo alifa sa bulishumi ku Yena. [Hakuna manzwi fa tepu—Mu.] Nana ni kuba yomutuna.

122 Hamuteeleze.

*Mi kusina likañi ni leikana yomunyinyani u fuyolwa ki yomutuna.*

Kiniti. Mutalime Yo ali Yena.

*Mi fa batu baba shwa ba amuhela za bulishumi ze;...*

Bwani kona buprisita bwa mulao wa baprisita ni bakutazi, ni zeñwi cwalo. Batu baba amuhezi za bulishumi, ba shwa. Mwabona?

*...kono fa wa ba amuhela, ku baba pakile kuli wa pila.*

123 Ki sikamañi sa ka amuhelela sabulishumi mutu, haiba una ni... Haiba na si ka pepwa, mi hasana ku shwa, mi na zwa kwa simuluho kuisa kwa mafelelezo, mi—mi ki ya si kaba fateni ni ndatahe kamba mahe, kanti ki muña Lihalimu kaufela ni lifasi ni kaufela zeli ku lona, kiñi za ka ngela sa bulishumi? Kiñi ha ka bulelela Abrahamama kulifa sa bulishumi? Mwabona taba yateni mo ibezi ye si ya lishaha ya kulifa sa bulishumi? Sa bulishumi ki

swanelo. Mukreste kaufela u tamehile kulifa sa bulishumi. Yeo ki niti. Zeo ha li si ka cinca ni hanyinyani.

124 Cwale:

*Mi sina ha Ni kona kubulela kuli, Levi hape, yana amuhezi sa bulishumi, na lifile sa bulishumi ku Abrahamama.*

125 Cwale, oh, ki ye nto yeñwi.

*Kakuli ha na sali mwa liteka za ndatahe, fani Melekisedeke ha mu katana.*

126 Sikamañi, Levi? Abrahamama neli kuku-wa-kuku wa Levi. Mi Bibebe ibulela fa, kuli, “Levi alifa sa bulishumi hana sa li mwa liteka za Abrahamama.” Masika amane asika taha kale mwa lifasi, na nza lifa sa bulishumi ku Melekisedeke. Kufuyolwe Libizo la Mulena!

127 Cwale, mina baba sa koni ku lumela mwa kulukisezwa kale, kamba kulemuhelwa cimo; ni fa, masika amane mane Levi asika zwa kale mwa liteka za Abrahamama, na sweli kulifa sa bulishumi ku Melekisedeke. Ni sepa kambe luna ni nako ya kufita mwatani ka Mañolo.

128 Haiba muka linga sina mwa Jeremia 1:4, Mulimu naize, “Ni ku zibile kale mane usika bupwa mwa mba ya maho. Mi Na ku kenisa ni ku keta kuba mupolofita kwa macaba.” Mi ki sikamañi so kona kubulela kuli u ezize wena? Ki sikamañi se Ni kona kubulela kuli Ni ezize? Ki Mulimu ya bonisa sishemo. Mulimu na lu zibile mane mutomo wa lifasi u si kaba kale.

129 Ha tabeli kuli ni yomukana a shwe. Batili kutokwa. Kono haiba ki Yena Mulimu, Na zibile kale ya na ka piliswa ni ya na sike kupiliswa, kusi cwalo Na sa zibi sika kaufela. Haiba Na si ka ziba. . . Haiba na sa zibi kuli uka fita kwa Kuungelwa, kale lifasi li si ka eziwa, konakuli Ha ki Mulimu. Haiba Haana na mafelelezo, Nana. . . Na zibile nda kaufela, nzinzi kaufela, mununu kaufela, kufa kaufela, yene kaba fa lifasi, mane lifasi li si ka eziwa kale. Yeo ki niti. Na zibile linto kaufela. Kusikaba kale mutomo wa lifasi, Na lu zibile. Bibebe ibulezi, kuli, “Na lu zibile ni ku lu lemuhela kale zesa taha.”

130 Halu fezeñi ona ye pili. Lu kuteleni mwa Maefese, kauhanyo ya 1. Kauhanyo ya 5-. . . Kauhanyo ya 1 ya Maefese, fa nako nyana fela. Ni bata kubala fateni fa muzuzu fela, ili kuli mukone kuutwisisa kuli ha ki nto fela ye Ni lika ku mi bulelela. Ki nto yeñwi yalika ku mi bulelela yona Mulimu. Mwabona? Cwale amuteeleze ku se, ka tokomelo luli, kauhanyo ya 1 ya Maefese.

*Paulusi, muapositola wa Jesu Krete ka kulata kwa Mulimu, . . .*

Yena muuna ya swana yana ñozi liñolo kwa Maheberu, ki yena yasweli kuñola liñolo le.

*. . . kwa balumeli. . .*

Se ha ki sa baba sa lumeli, kono ki kwa balumeli, baba kenisizwe- . . . ili baba kenisizwe.

*. . . babali mwa Efese, ni ku baba sephala ku Kreste Jesu:*

*Sishemo sibe ni mina, ni kozo, yezwa ku Mulimu Ndata luna, ni ku Mulena Jesu Kreste.*

*Ku lumbwe Mulimu Ndatahe Mulena luna Jesu Kreste, ya lu fuyauzi ka limbuyoti kaufela za moyo kwa lihalimu. . .*

“Mwa Na lu. . .” Cwale, muteeleze hande cwale, timana ya bu 4.

*Mwa Na lu ketezi ku yena pili lifasi li si ka tomwa, . . .*

Ki bafi bo “luna” foo? Ki Keleke.

*. . . na lu ketezi ku yena (Kreste) li si ka tomwa kale, lifasi, kuli lube ba bakenile mi lutokwe litiba fapila hae ka lilato:*

*La hae lana lelile pili ku ikañulela luna ka Jesu Kreste, ka kulata kwa hae,*

<sup>131</sup> Kimañi yana ezize zeo? Ki Mulimu yana liezize. Mulimu na zibile kuzwa kuzwa kwa makalelo ya na ka piliswa ni ya nasiku kupiliswa. Kaniti, Na sa lati kuli niyomukana alatehe. Kono A si ka luma Jesu fa kuli abone fela haiba muka—muka eza inge kuli, “Kihande, Jesu ya bumai, Na Mu utwela butuku. Kihande mwendi Ni piliswe mi ni kondise cwalo.” Batili, sha.

<sup>132</sup> Mulimu na ziba isali kwa simuluho yaka piliswa ni yasike kupiliswa. Kacwalo, he, Na ziba kuli babañwi ba ka pila, ko ha Na lumile Jesu ku to ba tifo kuba Na lemuhile kale. “Kakuli bona Ba zibile kale, U ba bizize. Mi bona Ba bizize, U ba ezize baba lukile. Mi bona Ba ezize baba lukile, U ba (tensi yakale) file kanya.” Ki fohe cwale.

<sup>133</sup> Kona kuli ha ki wena ya sweli kuipuluka, ki sishemo sa Mulimu se si ku buluka. Ha u si ka ipilisa ili wena, kamba hakuna so ezize kuli uswanele kupiliswa. Ki sishemo sa Mulimu se si ku pilisize. Sishemo sa Mulimu kona se si ku bizize. Kuziba kwapili kwa Mulimu ku kuzibile kale. Na zibile kuli ukaba mwa keleke mo busihu boo, kusikaba kale mutomo wa lifasi, haiba Ki ya sa feli. Haiba Ha ki ya cwalo, Ha ki Mulimu he. Haiba Na zibile linto kaufela, Na li yena Mulimu. Haiba Na sa zibi linto kaufela, Na si Mulimu he. Haiba ki Yena Mulimu Yamata kaufela, Wakona kueza lika kaufela. Haiba Haakoni kueza lika kaufela, Ha ki Mulimu Yamata kanti. Ki fohe cwale.

<sup>134</sup> Kona kuli ukona kubulela cwani kuli ki nto yo no ezize? Hakuna so kona kueza. Ki lilato la Mulimu ni sishemo ku wena, kuli mane uteni ni mwahali mo. Hakuna so no ka eza, Mulimu u ku bizize ka sishemo sa Hae; wa teezeza, wa utwa, wa amuhela.



135 “Kihande,” mu li, “Muzwale Branham, sani si utwahala bumaswe luli.” Kaniti ki cona. Mu lukuluhile. “Kihande, mutangana yani wa kona kueza sa lata kaufela.” Kiniti. Ni eza kaufela se Ni tabela kueza. Kono haiba u Mukreste, hauna kutabela kueza bumaswe.

136 Kuna ni musizana yomuñwi ya inezi kwa mulaho kwani busihu boo, ki musala ka. Na mu lata ni zeli kuna kaufela. Mi haina Ni ziba kuli Ne ni ka mata mata ni musali usili ni kuswalelela ona cwalo, ni ku yo mu bulelela, kuli, “Meda, Ni ilo fosa,” munahana kuli Ne ni ka eza cwalo? Haiba Na mu lata hande, Hanina kueza zeo. Yeo ki niti.

137 Cwale, kucwani hane Ni kali, “Oh, Hanikoni kueza zeo. Kakuli, Ni ka mi bulelela libaka. Uka ni hana, mi Ni lukela. . . Oh, Ni mukutazi. Mwabona se Ni eza? Seo ne si ka ni zwisa fa katala, haiba na ka ni hana. ‘Niba muuna ya hanilwe kufelelwa ki manyalo, oh!’ Nina ni bana babalalu; Hanikoni kunahana zeo. Kono, mushimani, Na. . .”? Kihande, haiba cwalo kona mo kuinezi, mu sa li mwa milao ya litamo. Ha ki ka mulao ha ne Ni nyezi. Ha ki ka mulao ha ni pila ka kusepahala ku yena. Ki bakeñisa kuli Na mu lata. Hani lukeli kueza sika kaufela. Ni eza cwalo ka kulata kakuli ki musebezi wa lilato. Mi haiba u lata musala hao, u ka eza lika zeswana.

138 Mi haiba u lata musala hao cwalo, ka lilato la *phileo*, ki sikamañi so lukela kueza ku Krete ka lilato la *agapao*, leli tiile linako ze eza lule lule, haiba luli u lata Mulimu? Haiba Ni ziba kuli busihu bo Ni kona kuzwela kwande ni ku yo kolwa, haiba Ni ziba kuli busihu bo Ni kona kumata mata ni kuba yasina buiswalo, haiba Ni ziba kuli, busihu boo; haiba zeo likona kuba mane ni mwa pilu yaka kueza cwalo, mi Na yo eza cwalo, ka kuziba kuli Uka ni swalela, Hani koni kueza cwalo. Ni nahana hahulu zeñata ka Yena. Na Mu lata. Luli. Kiniti.

139 Kona libaka Hani sike na lekisa zibo yaka kwa kopano ifi kaufela, (batili, sha), haki ku ba Assemblies of God, ha ki ku ba Church of God, haki ku ba Pilgrim Holiness, Methodist, Baptist, Presbyterian, Katolika. Hani koni kuamuhela sika kaufela se si kona kufiwa, bakeñisa zibo yee. Kakuli, Ha isika taha ka mutu. I tahile ka Mulimu. Batili, sha. Hanikoni kulekisa zibo yaka kwa rock-ni-roll ifi kaufela ya Elvis Presley, kamba bakeñisa libunda la Bukatolika bwa hae, kamba za hae, kamba, ma Cadillac, kamba ma dollar a hae aeza lule, ni zeñwi cwalo, ahola kweli ni kweli. Batili, sha. Na Mu lata. Mi haiba Nika. . . Haibile fela Na Mu lata cwalo, Ni ka pila ka kusepahala ku Yena. Mi haiba Mulimu u ni bizize ni ku niketa, U beile sesiñwi ku na, mi Na Mu lata.

140 Ni hupula Bo Isler. Mina kaufela mwa ba ziba, buñata bwa mina. Utahanga ona kwanu, ki mubusisi mwa Indiana; utahanga kwanu, u lizanga gita ya hae. Mi mbututu waka ha na shwile, musala ka hana shwile, mane kaufela bona bainzi mwa mabita

mo. Mi Ne ni sweli kuzamaya mwa nzila, ni mazoho aiswile kwa mulaho, inge ni lila. Atula kuzwa mwa mota ya hae, ya kale, mi ataha ato ni kambeka lizoho, ali, “Billy, Ni bata ku mi buza puza.” Ali, “Ni ku utwile ha u kutaza kuli mane ubatanga ni kuwela fa katala. Ni ku utwile mwa makozwana a linzila ni libaka kaufela, ha u swelu kuhuwa za Kreste.” Ali, “Cwale U ngile bo ndataho. U ngile munyana hao. U ku byanguzi bona kaufela, mi ba ba shwezi mwa mazoho a hao. Ki yani u shwile. Musala hao u shwile, inza ku sweli mwa mazoho. Ni mbututu wa hao u shwile, ni no sweli ku biza ku Yena kuli a kutuse. Kono A ku fa mukokoto wa Hae. Ki sikamañi so nahana ka Yena?”

<sup>141</sup> Se nili, “Na Mu lata ka pilu yaka kaufela. Haiba Uka ni isa kwa lihele, Ni kwateni ni ka yo Mu lata.” Yena fela. Ha ni buleli cwalo; lilimo ze mashumi amabeli ni ze silezi lipakile cwalo. Yeo ki niti.

<sup>142</sup> Haiba Mu mu lata! Ha ki musebezi, kuli, “Hani koni kueza se, mi Hani koni kueza *sani*.” Mu Mu lata hahulu kuli mane muka si eza, kakuli U mi ketile. Ha ki mina mu Mu ketile, U mi ketile.

<sup>143</sup> U bulezi kuli, “Ni batile Mulena, ni kubata Mulena.”

Hakuna mutu ya kona kubata Mulimu. Ki Mulimu, ya batanga mutu. Mwakona kubata sishemo sa Hae, kono Mulimu una ni kucinca sibupeho sa hao mane u si ka Mu bata kale, kakuli, u muezalibi, u kulube fela. Ki niti yeo.

<sup>144</sup> Mi mina sicaba babañwi ba baya kwa keleke ni kupila fela ka bumembala bwa mina, muzwela kwande kwani ni kueza sika kaufela mwa lifasi, mi ni kukuta ni kubulela kuli, “Eehe, Ni wa siemba sa keleke.” Kihande zeo li kwahule maswe ni kuba wa siemba sa Mulimu. Kiniti. Ha ni bi. . . Kono mubona batu inge ba eza cwalo, mwakona kubulela zeñwi. Oh, ki mamembala ba bande ba keleke. Yeo ki niti. U sa kona kuba membala wa keleke ni kueza lika zeo, kono haukoni kuba Mukreste mi ueze lika ze.

<sup>145</sup> Sina Ha ni bulezi, kakusasana cwana, “Liñwalala la kale, haiba ku kile kwaba muiipi, ki liñwalala.” Yeo ki niti. Lona ni nkwilimba neli inzi mwa areka yeswana, ne li inzi fa mutai oswana. Mi liñwalala la kale la tabela hahulu ha ba li lukulula, mi la zwa mwa Keleke yani, kuli ne li zwezi fande mi la yo lula fa litupu ni ku “njoma, njoma,” ni kuca kufeza siemba se, kuca mbongolo, ni kuca komu, ni ze ne liteni kaufela, ne li kusi. Kono cwale Nuwe ha to i lukulula, ne i si ka fumana sibaka fa kulula mahutu a yona. Ne in ani tukelo yeswana ya kuhata fa folofolo ye shwile sina liñwalala mo ne libezi, kono neli libupiwa zepeli ze shutana. Sesiñwi sa zona, neli nkwilimba, ka kukala. Ne lili liñwalala, ka kukala.

<sup>146</sup> Kono, haiba mu lemuha, liñwalala lakona kuina fa situpu se si shwile ni kuca, licika la lizazi. Nkwilimba ikona kulula mwa simu ya buloto ni kuca, licika la musihali. Mi liñwalala lakona kufufela kwande ni kuca lico la nkwilimba, ka mo li tabelela

fela kucela. Ya kona kuca ka buñata fela sina liñwalala mo likona kucela, kamba, sina nkwilimba molikona kucela. Kono lona, liñwalala kwateni, lakona kuca lico la nkwilimba, kono nkwilimba haikoni kuca lico za liñwalala. Yeo ki niti.

<sup>147</sup> Kacwalo, muipi wa kale wakona kutaha kwa keleke, ni ku nyakalala ni kuhuwa ni kulumba Mulena, ni kuzwelapili ona cwalo, ni kukuta ngombemoongo ku yo ikola lika za lifasi. Kono haili Mukreste ya pepilwe since hakoni kueza cwalo, kakuli lilato la Mulimu li mu hapeleza kuba mwa sibaka sa sa koni ku eza cwalo.

<sup>148</sup> Kacwalo haiba u Mukreste ka kuikopanya kwa keleke, ni kutuhela kueza *se* ni *sani*, ni takazo yeswana yeli ku wena, u tokwa kucimbekiwa kokuñwi. Yeo luli ki niti.

<sup>149</sup> Mi mina basali ba bakona kuapala tuputula twa kale twani, ni kuzwela kwande mwa mikwakwa mo, ni kuipiza kuli u “mulumeli.” U mulumeli, kono u mutala o zielehile, mwendi. Haiba luli u nani Kreste mwa pilu ya hao, ha u lukeli kunahana ka lika ze cwalo zeo. Ha nina taba ka se baeza basali babañwi, ni basizana babañwi se ba eza, no kaba ya shutana, kakuli u lata Kreste hahulu.

<sup>150</sup> Ne ni ambola ni musali cwana zazi leliñwi, mwa ndu, mi ayumbaka mazoho sina *cwana*, ali, “Rev. Branham, Ni inzi mapunu mane, mo mwa ndu yaka. Ni sweli kuzamaya zamaya.”

<sup>151</sup> Na hupula, “Maswabisa ku wena.” Mwa ndu ya hao luli, Hanina taba kamba u inzi. Yeo ki niti. Tina ni kueza sina musali, sina kalibe mwa lukela kubela. Maswabisa ku wena. Kono u ipuluke. . . Eehe, Bibe ibulezi kuli, “Haiba ulata lika zani, lika za lifasi, lilato la Kreste mane haliyo ku wena.” Mi haiba u lata Mulena, ka pilu ya hao kaufela, ni ka moyo wa hao kaufela, ni ka ngana ya hao kaufela, u ka itoboha lika za masila zeo, lika ze nyenyisa kuba kwahule ni wena. Yeo ki niti.

<sup>152</sup> Mi mina madikoni, ni mina babañwi mo, ya sweli kumata mata mwa mikwakwa mo, ni ku otolola ngele ku mañi ni mañi wa basali. Maswabisa ku wena; ni kuipiza kuli mu “bana ba Mulimu.” Na ziba zeo za sica, kono kihande mu cisiwe kufita ku yo tuka kamita kwani. Konakuli haiba u eza lika zeo. . . Cwale, haukoni kuhanisa musali u zamaya mwa mukwakwa, inge a tinile fela licika. Wena, ha usweli kutalimela, utamehile ku mu bona, kono wakona ku sikulula toho ya hao. Bibe ibulezi kuli, “Ya talimela musali ka ku mu lakaza, u sa mu bukile kale mwa pilu ya hae.”

<sup>153</sup> Halu boneñi ni ku bulelele nto yeñwi, kezeli yomunde, u ka yo ikalabela. Hanina taba, wa kona kuba ya kenile sina mulilima. Hakulata ha u si ka eza sibi sa mufuta o cwalo, sibi sa butanya, mwa bupilo bwa hao. Kono haiba u tina sina cwalo, u ka yo ikalabela kwa Katulo ka kueza boozwa ni muuna kaufela ya na ku talimile. Bibe ibulezi ona cwalo. Ni kuzamaya cwalo mwa

mukwakwa, ki mañi yana ni mulatu, ki muuna? Batili, sha. Ki wena. U iponahalize mwa mukwa o cwalo.

<sup>154</sup> Musali una ni sibaka se situna. Sa kateleha, sa bunde, sibaka se sinde. Kono una ni kuipuluka ona ka nzila yeo, kuli abuluke ofisi ya hae mwa lukela, kakuba me, kakuba musali ni ka busali sakata. Haiba busali sakata bu lyanganiswa, moongola wa naha ifi kaufela u lobehile. Mi leo kona libaka, kacenu, naha ya luna i sinyehile, ki bakeñisa ku sa ipuluka kwa bahame ba luna. Yeo ki niti. Luli. Ki kubola mwahala luna, ki sikamañi se si i sinya.

<sup>155</sup> Se mutokwa ki ku kopana ni Melekisedeke ka nako yeñwi. Amen. Mutuhele Yena—mutuhele Yena a mi fuyole ni ku mifa veine, ni sinkwa, Bupilo Bobusafeli. Mi mu ka bona lika ka kushutana. Mi mukaba. . . Ku ka shutana. Hamuna ku tabela kuli bashimani ba mi. . . lizeze miloli ya nja yamwa naheñi, muloli wa luwawa, kamba kaufela mo mu batela kuli bizeza. Kaniti kutokwa. U kaba ya shutani kwateni.

<sup>156</sup> Mi mu talusa ku ni bulelela kuli ha mu tinile cwalo, ni kuzwela kwande, kuna ni libaka kaufela nji? Mu li, “Kiñi, kwa bata.” Usweli fela kubulela likande. Ha ku bati. Sayansi ipaka kuli ha ku bati. Ki. . . Ki takazo ye ku kenezi, kezeli. Ha u lemuhile cwalo. Ha ni liki ku mi holofaza, kono Ni lika ku mi lemusa. Basali babañata ba bana ni buiswalo, ya kenile fela mwa kona kubela, kalibe yo munde yomunyinyani, a zamaye ni lika ze cwalo zeo, fa mikwakwa, a sa zibi za sweli kueza, kakuli mukutazi yomuñwi wa wile u saba kuli muuna hao haana ku fanga sa bulishumi mwa keleke nihanyinyani. Hana ka katana Melekisedeke, nasike kunahana lika zeo. Na ka kutaza Evangeli. Haiba likona ku babula litalo la mukokoto wa bona, niteñi na ka Li kutaza, nihakuli cwalo. Yeo luli ki niti.

<sup>157</sup> U eza cwalo, mi ueza kakuli moya wa takazo u ku kenii. Ni mina baana babaka tuhelela basali ba mina kueza lika zeo, Nina ni sepo ye nyinyani fela ku wena ka kuba muuna. Yeo ki niti. Yeo ki niti. Cwale, hauna kulumbiwa ku zeo, kakuli, kamba, hakuna buinyazo, kakuli, yeo ki niti. Muuna kaufela ya ka tuhelela musala hae kuli azwele fande mi aeze ze cwalo, muzwale, u swanela ku tinanga liapalo za *hae*. Yeo ki niti. Wena, kiñi, mawi!

<sup>158</sup> Ha ni buleli kuli musala ka hakoni kueza cwalo. Kono Ni lukela kuba ya cincizwe ni kufetulwa, ku seo Ni li sona cwale, haiba Ne ni ka pila ni yena hasweli kueza cwalo. Mi yeo luli ki niti.

Banake ba basizana, bakona kueza cwalo ha ba kaba basali. Ha ni buleli kuli habana kueza cwalo. Ha ni zibi. Foo ku itingile fa sishemo sa Mulimu. Ni sepa kuli kambe basike shngwe. Haiba baeza cwalo, ba ka zamaya kufitelela litapelo za muuna ya ya lukile. Ba ka zamaya kufitelela bupilo bwa mutu yana lika kupila hane, haiba ba ka eza cwalo. Yeo ki niti. Kono Ni bata

kupila ka swanelo, kubaluta ka swanelo, ba be baba lukile, ni ku ba ndanga ka kuluka. Haiba ba eza cwalo, ba ka liba nzila ya bona ye liba kwa lihele, kufita fahalimwa kukutaza kwaka, ni fahalimwa Bukreste bwa ka, ni fahalimwa litemuso, yeo ki niti, haiba bakona kueza cwalo. Kiniti. Yeo ki niti.

159 Maswabisa ku wena. Haiba ukile wa katana Kreste, pata ni pata, mi Wa ku fuyola, ni ku kutubeta kwani kwa kamuhelo fa pilu ya hao, mioya ye lunya kaufela mwa lihele haina ku ku lumeleza kutina zani hape. Yeo ki niti. U cincize kuzwa mwa lifu kukena mwa Bupilo, mi lilato la hao li talimile fa lika za lihalimu isi lika za lifasi. Amen. Kihande ni tuhele fela tuto yeo. Ki butata. Kulukile. Kono ki yona Niti.

160 Ku lukile, halunze luzwelapili nayana fapata, kona lu ka kwala.

*. . . kaniti bona beili bana ba Levi, . . . ba amuhela sa bulishumi sa ofisi ya buprisita, mi bana ni swanelo ya kunga sa bulishumi kwa sicaba kuya ka mulao, fo ki kuli, kwa bana bahabo, ni ha ba zwile mwa teka ya Abrahamama:*

*Kono yena yo lusika lwa hae halusika balelwa ku baba amuhela sa bulishumi sa Abrahamama, ni kufuyolwa ki yana na ni sepišo.*

*Mi ka kushutana kaufela wa mwanana u kutekehile kufita yomutuna.*

*Mi cwale baana baba amuhela sa bulishumi; kono fa wa ba amuhela, ku ya pakilwe kuli wa pila. Mi Na . . .*

*Mi sina ha Ni kona . . . kubulela kuli, Levi hape, . . . u amuhezi sa bulishumi, u amuhezi sa bulishumi, u lifile cwalo asali ku Abrahamama.*

*Kakuli na sa li mwa liteka za ndatahe, nako ya mu katana Melekisedeke.*

161 Mu—mu bonelo wa hao kwa lika za Kreste uka bonisa bupaki bobutuna ku seo bana ba hao ba kaba sona. Bupilo bwa hao luli bo upila kwa lubasi lwa hao bu ka bonisa seo bana ba hao ba kaba sona. Kakuli, Bibebe ibulela, kuli, “U ka hupula bumaswe bwa bashemi ba bona kuisa kwa lusika lwa bune.”

162 Cwale, mwa mizuzu nyana fela, lu si ka kwala kale.

*Mi kabakaleo haiba kupetahala (ki koo kupetahala kwa mina) ne ku taha ka buprisita bwa Levi, (kakuli mwatasa bona sicaba si filwe mulao,) ki tuso mañi hape kuli kutahe. . . buprisita bo buñwi kasamulao wa Melekisedeke, ha sa bizwi kuli Aruni?*

163 Mulao, neku la milao, mwabona, “Oh, u lukela kueza se. Ha u sa ezi se, ha u Mukreste. Ha u sa buluki sabata! Ha u sa ezi . . . Ha u ca nama! Ha u eza lika ze!” Ona milelo ye kaufela ya za milao. “Mi una ni kuya kwa keleke. Ha u sa ezi, u ka lifa mulatu

ka zona. U na ni kuezwa nto yeñwi.” Nto yani haina tuso. Mu pilisizwe ka sishemo sa Mulimu, ka kuzibiwa cimo kwa Mulimu, ka kulemuhelwa kale kwa Hae. Mulimu na bizize Abrahamama ka ku zibiwa kwa kale, ka kulemuhelwa cimo. A biza. Na toile Esau, ni kulata Jakobo, mane ku si ka pepwa kale ni alimuñwi wa bona. Yeo ki niti. Ki—ki kuzibelwa cimo kwa Mulimu ya ziba lika ze.

164 Mu bulela cwale kuli, “Ki tuso mañi he ya kukutaleza Evangeli?”

165 Cwale Ni mi bulelela, cwana. Paulusi na alabile kuli, kamba Jesu na alabile, nitaluse. Ki yo fa Jesu. Na ize kuli, “Mubuso wa Lihalimu u swana sina muuna yana ile kwa kuli, sina—sina liabwa kamba lisa, mi a cimbeka kanyandi. A ka hoha mwateni. Kuzwa mwateni, a swala likulu. A fumana ni limbuluwe. A swala ni linoha. A swala ni mikolozwani. Aba ni limbotwe. Nana ni maui. A swala ni lingongi. A swala ni—a swala ni litapi.” Cwale, muuna wateni nasweli fela ku yambula.

166 Zeo liswana sina Evangeli. Ki se fa cwale, Ni kutaza Evangeli. Ni sweli fela ku cimbeka kanyandi. Na ka cimbula, Ni bulela kuli, “Kaufela baba lata, mañi kaufela, ha tahe.” Ki fa kutahile babañwi, kwa katala. Kaufela bona ba inzi kwa katala. Ba lapela. Ba lila. Ha ni zibi alimuñwi ku yomuñwi. Ha ki musebezi wa ka. Ha ni si ka lumelwa ku to atula.

167 Kono, kuna ni babañwi mwahala bona babali limbotwe. Kuna ni babañwi babali mikolozwani. Kuna ni babañwi babali linoha. Mi, babañwi, ki likulu. Mi kuna ni babañwi babali litapi. Ha ki musebezi wa ka wa ku atula. Ni li, “Ndate, ze kona ze Ni cimbuzi mwateni.”

168 Kono, simbotwe neli simbotwe, ka kukala.

169 Liuyi, liuyi la kale lika ina ona fani ni kotalima kwa ni kwa, fa nako nyana, lika pikulusa meeto a lona amatuna, inge li kemauna, lili, “Mwa ziba kana? Nina ni zeñata hahulu za Zona hanisa kona ku liyemela.” Plop, plop, plop, plop, za zwela fande.

170 Musali muhulu wa noha uka inula toho ya hae, ni kubulela kuli, “Kihande, mwa ziba kana? Haba ka kutazanga cwalo, kulwanisa kutinanga tuputula ni lika zeñwi, zeo za ni filikanya. Kipeto Ni ka zwa mwahala sikwata sa bapikuluhi baba kenile bani. Ona cwalo kona mo ku lukela kubela.” No li fela noha ka kukala. Yeo luli ki niti. Eehe.

171 Mi fa kuinzi ndatetuna simbuluwe simbotwe, ni mushanga omutuna wa kwai mwa mulomo wa hae, mane inge komu ya singungunya sa mwa Texas, uka yena fani ni kotalima kafa ni kafa, ni kubulela kuli, “Kihande, ha si ni fi mulatu ha ni zuba. Ni ka tuhela lika zeo, ona fa.” Kihande, wena simbotwe tuwe sa kale, no li ya cwalo, ka kukala. Yeo luli ki niti. Yeo kwateni luli ki niti.

172 Sibupeho sa hao sipaka seo uli sona. Bupilo bwa hao bwa iponahaza, bu bonisa yo uli yena, isali kwa simuluhó. Ha ki butata kuli ni bone sani. Ha ki butata kuli mu li bone.

173 Hane Ni ka ya kwa litema la Roy Slaughter yainzi fa, mi Ni bona likulube ze li fa libunda la musutelo, inge lica musutelo, Hanikoni kunahana nto ye maswe ka seo. Yena ki kulube. Kono Hane ni ka bona ngunyna fa libunda la musutelo wani, Ne nika komoka. Uh-huh. Mwabona? Musike mwa bilaela, hamuna ku ibona fateni. Haikoni fela kuyemela lika ze cwalo. Yeo ki niti.

174 Mi mutu ya pepilwe ka Moya wa Mulimu u toile lika za lifasi. Yeo ki niti, “Kakuli ha u lata lifasi kamba lika za lifasi, lilato la Mulimu mane haliyo ni ku wena.”

175 Haiba Ni mata mata ni basali zazi ni zazi, ni kutaha mwahali, ni bulelela musala ka kuli Na mu lata, na ka ziba kuli Ni lihata. Likezo za ka li ka bulela ka kuhuwa kufita manzwi aka. Kiniti. Ni paka ku yena kuli ha Ni mu lati, kakuli Ha Ni si ka sephala ku yena.

176 U ni bulelezi kuli wa ni lata, mi nako kaufela ha Ni zwa fateni, u yaulka ni mutu usili hape, ne si ka paka kuli ha ani lati. Kiniti. Likezo za hae za iponahaza. Hanian taba kamba u ni bulelela zekuma kai kuli wa ni lata, “Bill, Na ku lata, mi hakuna mutu yomuñwi usili mwa lifasi kwanda hao,” Ne ni ka ziba kuli ki lihata.

177 Mi cwale ha ulika kubulelela kuli, “Mulena, Na Ku lata,” ni kueza lika za lifasi, Mulimu u ziba kuli u lihata, ka kukala. Kacwalo kiñi? Ki tuso mañi ya ku amuhela kutwisiso ya kale ka licika fela, ni nto yeñwi ye cwalo, fo mahalimu amatuna a Lihalimu inge atezi fela lika za niti? Kiñi ze mu batela kuba ya nyandile, ya ikangabeka, yapila licika, ya buzwise neku, ya ipiza fela kuli Mukreste? Kanti, inge ukona kuba mwana Mulimu ya pepilwe sinca, ni milangu ya tabo ya Lihalimu inge ilila mwa pilu ya hao, inze i nyakalala, ni kulumba Mulimu, ni kupila bupilo bwa tulo ku Jesu Kreste.

178 Usike wa lika kueza lika ka buwena, kakuli u ka palelwa, ka kukala. Kono ikungele Yena, Ki Linzwi la Hae, mi u yendamene ku Sa bulezi kuli kona Niti. Mi u Mu lumele, ni ku Mu lata, mi Uka eza lika kaufela kuli libeleke hande ka mina. Kona cwalo. Wani kona mulelo.

179 Mulena a mi fuyole. Ha ni lati ku mi omanya, kono, muzwale, kihande kuba ya omanyiwa hanyinyani. Mina mu bana baka. Mwabona? Mi mushemi kaufela ya lata bana ba hae uka ba sikulula luli, kusi cwalo ha ki mushemi yomunde. Kana ki niti yeo? Yeo ki niti. Mi mushemi yo una ni fela mulao ulimuñwi, mi wani kona mulao wa mwa lapa. Mi Mulimu fela ki yena yana ni mulao ulimuñwi, mi lani kona Linzwi la Hae.

180 Ha lu lumela Linzwi la Hae, konakuli lu ka pila ka Linzwi la Hae. Ki musebezi wa luna, haiba lu kopani fateni ni Mulimu. Ha

ki kuli mu bulela kuli, “Kihande, Na ya kwa keleke, mi Ni na ni kueza se.” U nyandile. Musike mwa eza zeo. Kiñi so batela kubela ya nyandile, muikunyandela, liñwalala le li sina bumulumu, kanti inge ukona kuba nkwilimba? Kiniti. U lukela fela kucinciwa kwa sibupeho sa hae sa hao. Mi u cince sibupiwa sa hao, ube mwana mushimani ni wa musizana wa Mulimu, u be ni kozo ni Mulimu.

<sup>181</sup> Jesu! “Ki kabakeleo ni yena Jesu hape, kuli Akenise sicaba sa ka Mali a Hae Tota, anyandela kwande a munzi,” Maheberu 13:12 ni 13. Maroma 5:1, “Kabakaleo ka kubeiwa baba lukile ka tumelo,” isi ka kuswalana mwa mazoho, isi ka kolobezo ya mezi, isi ka kubeya mazoho, isi ka kuhuwa, isi ka kubulela ka malimi, isi ka maikuto a mubili afi kaufela. “Kono ki kubeiwa baba lukile ka tumelo, luna ni kozo ni Mulimu ka Mulena luna Jesu Kreste.” Lu zwile kwa lifu lukeni mwa Bupilo, mi lu fetuhile libupiwa zenca, kakuli lu lumezi ku Mwana wa Mulimu wa libanda, mi lu Mu amuhezi kuba Mupulusi wa luna. Mi Mali a Hae a sebeza, busihu boo, kakuba swalelo ya libi za luna, kuli ayeme mwa sibaka sa luna.

<sup>182</sup> Mwa Testamente ya Kale, kuna ni fela sibaka silisiñwi sa kuba ni kopano ku sona, sani ki mwatasa mali. Mulumeli kaufela nana ni kutaha mwatasa mali. Hane ku bulaiwa sitole sesifubelu, ne si eziwa sitabelo sa sibi. Silukela kuba se si fubelu. Mi kauhanyo ya 19 ya Exoda, haiba mañi wa mina kaufela ubata ku ibala. Mi silukela kungiwa, litaku, kaufela, za cisiwa hamoho. Mi cwale sani ne si eziswa mezi a kauhano. Ne si beiwa kwande a munzi. Ne si swaliwa ka mazoho a kenile. Mali a sitole se ne hasakiwa fapila . . . kopano, ni ku shapiwa linako ze sebene fa sikwalo. Mi cwale, mutu kaufela ya silafezi na taha, u lukela ku lemuhiwa pili ni kubona mali ani, ni kulemuha kuli kuna ni fela kopano iliñwi mwatasa mali. Sani kona fela sibaka si nosi koo mulapeli akona kulapela ka swanelo, mwani ki mwatasa mali.

<sup>183</sup> Mi, nto yapili yana na ni kueza, asika taha kale mwatasa mali, nekubanga mezi a kauhano ana hasakiwa ku yena, mi kipeto ya masila wa keniswa mi uba ya kenile.

<sup>184</sup> Mi ba anga mezi a kauhano ni ku hasaka muuna ya icambaelela fela, ni ku mu kauhanya kwa libi za hae. Mi kipeto u zamaya mwatasa miupa ya mali, mi nana ni kopano hamoho ni sikwata sesiñwi sa balumeli fapila Kubatani kwa Mulimu.

<sup>185</sup> Kuna ni fela nzila iliñwi ya kueza zeo ka yona. Ha ki ku swalana mwa mazoho, ha ki kuikopanya kwa keleke, ha ki ka likolobezo, ha ki ka maikuto a mubili; kono ki kutaha kwa mezi a kauhano, mubeye mazoho a mina, ka tumelo, fahalimwa toho ya Jesu, ni kubulela kuli, “Ni muezalibi, mi U shwezi mwa sibaka saka. Mi Sesiñwi kuna si ni bulelela kuli Uka ni swalela libi zaka, mi Na Ku amuhela kuba Mupulusi waka cwale.” Muzamaye mwatasa Mali ani, kwabuse, muna ni kutwano ni bana ba Mulimu. Kona cwalo. Mwa ca sinkwa, munwa veine, mi muba ni kopano ni keleke.



186 Oh, ha Ki yomunde kana? Hanili Ki yomunde? Cwale, se sikona kubonahala bunca ku wena, mulikani. Kono ki sikamañi—ki sikamañi se Ni yemela fa ni kubulela lika ze? Kana Ni kona fela kulibulela ili kuikeza ya shutana ku babañwi? Haiba Ni eza cwalo, kona kuli Ni tokwa kubaka. Ni li bulela bakeñisa kuli Mulimu ubelezi ona Cwalo, kakuli Ki Linzwi la Mulimu. Mi a muteeleze. Nako ya taha, mi se ifitile cwale, yeo batu ba ka zwa kwa upa kuya kwa wiko, kulika kufumana Linzwi la Mulimu, mi habana ku Li fumana.

187 Ha mu ya mwa mukopano, taba ya pili yemuna ni kueza, mukena mwahali mwani ni kuba ni malimi ni litoloko zeñata, mi yomuñwi wa yema ni ku kala kubulela Mañolo; mi zeo ki za butu fela. Kiniti. Mulimu u lu bulelezi kuli “musike mwa itusisa makuta kutelo a mbango,” ku cwani ka Yena? Haiba U Li ñozi hañwi, amu Li lumele. Ha lukeli ku Li bulela hape. Malimi ni litoloko ki zende, kono ilukela kuba Liñusa le li namile hande kutaha kwa keleke ni ku mutu, isiñi fela za butu ni lika ze cwalo. Mi kipeto u zwelapili ni lika zeñwi zee.

188 Kwanu zazi leliñwi, baana bababeli ba kena mwa...neli muuna ni musala hae, ni muuna yomuñwi ni musala hae, baba sa zo nyalana fela, bakena mwa sibaka, kuya kwa Africa sina bahasanyi ba linzwi. Yomuñwi a yema ni kufa sipolofita, ni kufa malimi ni litoloko, kuli, “Neba na ni musala mutu.” Kuli, “Ha ku lukeli kuba cwalo. Ne ba nyezi mutu ya si yena.” Mi batu bababeli bani ba kauhana ni kunyalana sinca, hape. Muuna alimuñwi anga musala usili, wa yomuñwi, mwa kopano ye etelezi ya Pentekota, ni kuya kwa Africa sina mubuleli wa linzwi.

189 Muzwale, ha u fa buitamo bwa hao, u tamehile luli kwa buitamo boo kufitela lifu li ka ku lukulula. Yeo ki niti. Kiniti. Ha u fa buitamo, u tamehile.

190 Kaufela bukuka, boo! Mi si fitile fa sibaka ha mu fita kwa likeleke, ikana yaba kuli kubatile hahulu ni ku sa iseza ngana ni kuomelela, kuli mane konji sipimo sa mufutumala ha sifita fa fifite mwatasa noto. Sicaba siina fela inge kasolondo kaka melile fa butata, kuba fela ka kusa iseza ngana fela ni kuba mwa butata. Mi ha mu ka utwa mutu, kwa neku la mwa lilulu lani, mwakona kudodomela mwatasi kuli “amen,” fa ni fa, inge kuli za ba holofaza, kaufela bona ba ka otolola milala ya bona inge nalukapwa, ni kotalima kwa ni kwa, kubona se si ezahalile. Mwa ziba kuli yeo ki niti. Ha ni buleli cwalo ka lisheha. Se ha ki sibaka sa lisheha. Yeo ki Niti. Luli. Ni bulela cwalo kakuli ki Niti ya Evangeli.

191 Mi neku leliñwi, mukaba ni sikwata sa likuba bakeñisa maikuto a nama fela a kutundanisa, mi Linzwi la niti la Mulimu ka kufeleleza lifitile fa sibaka sakuli ha mu sa Li utwa: ki fahala nzila, ya Evangeli, ki Liseli la mwa nzila yaka, haleluya, Mali a Ngunyana, lilato la Mulimu le li lu kauhanya kwa lika za lifasi.

<sup>192</sup> “Kana u bulezi mwa kale fatenin mwa malimi, muzwale? Kanti hauna Ona. Kana ukile wa huwa fateni kuli mane wa kenelwa ki salami ma mukokoto? Kana ukile wabona fateni mayeku yeku a mulilo?” Oh, bukuba! Hakuna nto ye cwalo.

<sup>193</sup> Kana ulumezi ku Mulena Jesu Krete ni ku Mu amuhela kakuba Mupulusi wa hao? Mi Moya wa Mulimu u pakelana ni moya wa mina, kuli mu bana ba bashimani ni basizana ba Mulimu. Mi bupilo bwa mina bubeya miselo ya lilato, tabo, kozo, pilutelele, bunde, musa, buishuwi. Kona kuli u Mukreste. Haiba ha ku cwalo, Hanina taba kamba mueza sikamañi ka se mueza.

Paulusi uli, “Neni kafa mubili waka kuli u ciswe ka kuba sitabelo. Niha ni ziba likunutu kaufela za Mulimu. Niha nikona ku shimbulula malundu ka tumelo ya ka. Ni kone cwani kubulela ka malimi sina batu ni Mangeloi. Hani sesiñwi.” Ku cwani ka seo? Makorinte Bapili 13; lu fumane haiba Sani si lukile kamba nee.

<sup>194</sup> Cwale amu batisise haiba—haiba ki Makorinte, Makorinte Babubeli 13, Na lumela ki yona. Kamba, kihande, mwendi ki Yapili kamba Yabubeli Makorinte. Makorinte Bapili fani, Makorinte Bapili 13, i lukile. “Niha Ni ka bulela ka malimi a batu ni a Mangeloi, bubeli bwa akona ku tolokiwa ni a sa koni kutolokwa, Ha ni sesiñwi.” Kacwalo ki tuso mañi ya ku lyanganeha ka zona, kanti?

<sup>195</sup> “Niha Ni kona ku utwisisa likunutu za Mulimu kaufela.” Kiñi ze muyela kwa mikopano ya bulapeli ni kulika kuituta zeñata hahulu? Kihande mube hande ni Mulimu, pili. Kiniti. “Ni Ha, ‘Oh, kufuyolwe haleluya!’”

<sup>196</sup> Mu fitile fakuli mane hamukoni nihaiba kuba ni kopano kwanda kuli mube ni mukopano wa foliso kamba mufuta wa limakazo zeñwi zekona kuezahala. “Lusika lo lu fokola lwa bubuki lubata lika ze cwalo.” Ki sikamañi se mubata ka lika zeo?

<sup>197</sup> Paulusi naize ukona kueza lika zani kaufela, mane nihaiba ku shimbulula malundu, mi niteni ha ki sesiñwi. “Niha kuna malimi, aka fela. Ni ha kuna ni butali, bu ka yunda. Ko k una bupolofita, bu ka feliswa. Kono cwale ze petehile nako ye li ka taha, li ka ina kuyakuile,” mi lilato li petehile. “Mulimu u latile hahulu lifasi, kuli A li fa Mwana Hae wa libanda.” Kuli, “Yo kaufela ya njanja, yo kaufela ya nyungana, yo kaufela bulela, yo kaufela?” “Yo kaufela ya lumela ku Yena haana kushwa, kono una ni Bupilo Bobusafeli.” Mwa lumela cwalo, bana.

<sup>198</sup> Ba lika ku li tatafazanga hahulu, lika ze ni lika zani. Mi, li fita fa sika silisiñwi: ili tumelo ya hao ku Mulimu. Yeo kwateni ki yona. Zeo lika toloka lika. “Kakuli ka tumelo,” isiñi ka maikuto. “Ka tumelo,” ha ki ka maikuto. “Ka tumelo,” ha ki ka maikuto a mubili. “Kono ka tumelo mu pilisizwe; mi ki ka . . .” Kakuli mu batile Mulena nji? Kakuli no li mutu yomunde nji? Kakuli, “Mulimu, ka sishemo, na mi zibile isali kwa kale mi a mi tomela kwa Bupilo Bobusafeli.”

199 Jesu naize, “Hakuna mutu yakona kutaha ku Na konji Pili Ndate a mu bize. Mi kaufela baba taha ku na, Ni ka bafa Bupilo Bobusafeli. Hakuna mutu yakona ku ba zwisa mwa lizoho la Ka. Ki ba Ka. Ba pilisizwe kuyakuile. Nina ni bona. Hakuna mutu yakona ku ba zwisa mwa lizoho la Ndate ya Ni pakile, mi Yena ki yena Ya Ni file bona. Ki limpo za lilato za Ka.”

200 “Mi kaufela Ba zibile kale, U ba bizize.” Ha bizi mutu konji haiba U mu zibile kale. “Kaufela Ba bizize, U ba ezize baba lukile; kaufela Ba ezize baba lukile, U ba file kanya.” Kacwalo, mwa bona, lu inzi mwa pumulo yepetehile.

201 Cwale, Ni kuli kuna ni batu babañata ba za milao mo, nainte naini pesenti ya mina. Kono, mutalimele, haiba mukanga fela Se ni kulemuha kuli ha Ni liki kubulela nto isili.

202 Mi muka bulela kuli, “Kihande, Muzwale Branham, Ni bile ni nahana kamita kuli Ni lukela kueza se nikuli Ni lukela kueza *sani*.” Kuna ni—kuna ni shutano yetuna ku zona, muzwale, se muna ni kueza ni se mubata kueza. Mu pilisizwe, isiñi kakuli muna n into ya kueza sika ka yona. U piliswa kakuli Mulimu u ku pilisize ku sikaba kale mutomo wa lifasi.

203 Muteeleze. Muteeleze fa. Bibebe ibulezi cwalo, mwa Sinulo. Ni ka mi isa kuzwa kwa makalelo kuya kwa mafelelezo cwale. Bibebe ubulezi kuli, mwa Sinulo, kuli, ha ku taha sibatana, u pumile kaufela baba yahile mwa lifasi. Sibatana ne si siezize cwalo. “Sa puma kaufela baba yahile mwa lifasi, be mabizo a bona na si ka ñolwa mwa Buka ya Bupilo ya Ngunyana...” Kuzwa fo ikalela ancafazo? Kana seo sa utwahala hande? Kihande, kuzwa fa kutaleza mukutazi sebelezo ye mata yani? Kuzwelela fa folisezwa muuna yani? “. . . kuzwa kwa mutomo wa lifasi.”

204 Ki kai kwa na bulaezwi Jesu, fa Kalvari? Batili, sha. Jesu na bulailwe ku si kaba kale mutomo wa lifasi. “Amubone Ngunyana ya Mulimu, yene tabilwe haisamba lifasi li tomwa.” Mulimu, kwa simuluho, fani Ha bona sibi, Abona sene si ezahalile, A bulela Linzwi. Mi Jesu na tabilwe ku si kaba kale mutomo wa lifasi. Mi mutu kaufela na pilisizwe, na pilisizwe, kuya ka Bibebe, mi Ngunyana ne i bulailwe mwa munahano wa Mulimu, ku si kaba kale mutomo wa lifasi. Ne mu beilwe mwa puluso ka nako yani. Kacwalo ki sikamañi se mu ka eza ka Sona?

205 Ki Mulimu. Ku fuyolwe Libizo la Mulena! “Ki Mulimu ya beleka; ha ki ya lata kamba yena ya kona kumata, kono ki Mulimu ya bonisa sishemo.”

Haiba Jesu na bulailwe isali kwa mutomo wa lifasi, ne ku tandile lilimo ze likiti zene li si ka ezahala kale. Kono cwale Mulimu hana li bulezi kwa mulaho kwani, Linzwi kaufela la Mulimu li yemi hande. Ha likonahali ku komiwa. Ha likonahali ku yemelwa. Halikoni kupalelwa. Mi cwale Mulimu a bulaya Mwana ku si kaba kale mutomo wa lifasi, Na bulailwe fela ka

kuswana sina mwa Na bulaezwi fa Kalvari. Ki musebezi o felile, mi Mulimu ha bulela cwalo. Mi ha mu hupule, Ngunyana ha ne ibulailwe, puluso ya mina ya beiwa mwa sitabelo, kakuli Bibebe ibulezi kuli libizo la hao ne “Li ñozwi mwa Buka ya Bupilo ya Ngunyana ku si kaba kale mutomo wa lifasi.”

Ku cwani ka seo? Kona kuli ki sikamañi se luka eza? Ki Mulimu ya bonisa sishemo. Ki Mulimu ya ku bizize. Ki Mulimu ya ku ketile ku Krete ku si kaba kale mutomo wa lifasi. Jesu naize, “Mwali kuba—mwali kuba haki mina mu Ni ketile. Kina ni mi ketile. Mi Ni mi zibile, ku si kaba kale mutomo wa lifasi.” Ki fo he cwale.

<sup>206</sup> Kacwalo, mwabona, sani si kenya sabo ku mina. “Oh, Ha ni zibi haiba Ni zewelepili kuitiisa? Ni ka kwanisa, kufuyolwe Mulimu, haiba Ni ka itiisa fela kuswalelela.” Ha ki kuli Ni kumalele, kamba kutokwa. Ki haiba Na kumalezi, kamba nee. Ki sona—sona Sa ezize, isiñi se Ni ezize. Ki Sa ezize yena.

Sina mwatasa mulao wa kupiliswa. Ye ki nto yenyinyani ye Ni bata kubulela lu si ka kwala kale.

<sup>207</sup> Ku cwani haiba pelesa ya muuna ikona kupepa mule yomunyinyani? Mi kipeto mule yeo ibe ni mazebe a tibani. Ne ina ni meeto a lyangani, ni mañwele a mangunga, mahutu a mangombwe. Muhata wa yona unzo yemi nonga mwa halimu. Ha ki folofolo kwa ku bonahala kusabisa! Kiñi, mutu kaufela. . . Haiba nji mule yomunyinyani yani ne ika nahana cwana, kuli, “Cwale, libelela fa muzuzu fela. Ha ba zwa mwa ndu kakusasana cwana, Na mi bulelela, Ni ka ngongoliwa mungoli tuna mwa toho. Kakuli, ne ba si ka ni fepa. Mutalime sika kwa kusabisa seo Nili sona. Mane hanina nihaiba kolo.”

<sup>208</sup> Kihande, yeo ki niti. Hauna kolo. “Kihande, Ne ni pepezwi mwa lifasi le, kono ha mutalime fa sika sika se si sabisa-se si sabisa seo Nili sona. Kacwalo Ha—Ha—Ha—Hanina kuba ni kolo. Hanina ku kwanisa. Hanikoni ku kwanisa.” Mwabona?

<sup>209</sup> Kono kucwani he haiba bomahe luli ba laezwi hande mwa mulao? Ba kali, “Mwana, seo si lukile. Luli u zwile mwa buino sakata, mi mane ha u swaneli nihaiba kuca lico za mwa lifasi. Yeo ki niti. Ha u swaneli. Kono, mwana, ka mukwa omuñwi, ki wena wapili. Mi, wa ziba, kono u pepezwi mwatasa tukelo ya lupepo. Mi muprisita haana ku ku bona. Kono, haili libizo la hao, ku lukela kuba ngunyana yesina mulatu yesina nyazo, ye lukela kushwela mwa sibaka sa hao, ili kuli upile.”

<sup>210</sup> Kihande, mule wa mwana yani ukona fela ku lahaka milezele ni kuba ya tabile. Ha si ezi shutano ni yekana ku sa li sona, kakuli haana ku bonwa ki muatuli, yena muprisita. Ki ngunyana yeo muprisita a talimela. Isiñi mule; ki ngunyana!

<sup>211</sup> Mi ki Krete yo Mulimu atalima, isiñi wena. Ki Krete. Kacwalo haiba hakuna bumaswe ku Yena, ku konahala cwani kuba ni bumaswe? Kana Ukona cwani kufumana mulatu, kanti

u shwile mi bupilo bwa hao bupatilwe ku Kreste ka Mulimu, bu swailwe ka Moya o Kenile? “Ya pepilwe ki Mulimu ha ezi sibi, kakuli hakoni kueza sibi.” Ukona cwani kueza sibi kanti sitabelo se si petehile si beilwe mwa sibaka sa hae? Mulimu ha talimi na, U talima Kreste, kakuli lu inzi ku Kreste.

<sup>212</sup> Cwale, haiba Ni lata Kreste, Ni ka pila ni Yena. Hana ku ni tisa mwahali kusina kuli Wa ziba. Haiba Mulimu a ni pilisa kacenu, inza ziba kuli U ka ni bulaya lisunda ze silezi kuzwa kacenu, U sweli kukoma mulelo wa Hae Tota. Kiniti. Konakuli mane hazibi za kamuso he, haiba Na ni pilisize, inza ziba cwalo. Ki sikamañi Sa batela ku ni piliseza, inza ziba kuli Uka ni bulaya? Mulimu ha ezangi lika, mi ni ku linga mwa lisunda zepeli, kuli abuluke sepiso ya Hae. Ha ku pilisa, ki mwahala nako ni Kuyakuile.

<sup>213</sup> Cwale, wakona ku katala, ni kubulela kuli, “Oh, eeni, kufuyolwe Mulimu! Haleluya! Ni bulezi ka malimi. Ni huwile. Ni amuhezi. Haleluya!” Seo ha si talusi kuli u Si amuhezi. Kono, muzwale, ha kutaha nto Yeñwi *fa*, mi u swalana ni Kreste, konakuli muselo wa Moya wa ku latelela. Lwa pakelana, moya wa luna ni Moya wa Hae, kuli lu bana baba shimani ni ba basizana ba Mulimu. Shangwe mube ni Seo, balikani.

<sup>214</sup> Ni ka mi buluka mo busihu kaufela, inge ni ambola lika zeo. Na Si lata. Na mi lata. Ni kutelanga kwa tabernakele yenyinyani ye, nako ni nako, haiba Mulimu usa ni bulukela bupilo. Ni bata ku mi bona inge mu kumalezi hande ka mibisi mwa Tumelo ye kenile yani. Hani lati ku mi bona ha mu zukuzwa, ka moya ufi kaufela o likani wa lituto zetaha, mi kipeto u mi nyunge, ni ku zwelapili cwalo, ni kuba ni mali nyana mwa mazoho a bona, kamba puka yelikani kwa lifateho za bona, kamba nto yeñwi ye shutana, ni kubona mufuta wa—wa—wa maseli fapila bona, ni mufuta wa—wa nto ya buitati, sina Bibehe ha ibulezi kuli, “Ku ikuhumusa mwa pilu ya hae, ni kutokwa kubona sika.” Yeo ki niti. Ni bata kuli muswale katata fa Linzwi. Haiba KISONA SA BULELA MULENA, mupile ni Sona, mupile ni Sona. Yani kona Urim Tummim ya lizazi le. Mulimu ubata kuli mupile ka Sani. Haiba hasiyo mwa Linzwi, konakuli ha mu si tobohe. Mupilele Mulimu, mupilele Kreste.

<sup>215</sup> Mi haiba pilu ya hao ikala ku keluha, u ziba kuli kuna ni se si ezahalile, kutela kwa katala mi ubulele kuli, “Kreste, ncaafaza ta. . .bo ya kupiliswa kwaka. U ni fe lilato lene Ni nani sapili. Lisweli ku puya, Mulena. Kuna ni se Ni ezize. Ni eze ya kenile hape, niyeme. O Mulena, hakuna se Ni konile kueza. Hanikoni kutuhela *se* ni kutuhela *sani*. Ni talimela ku Wena kuli u li zwise ku na, Mulena, mi Na Ku lata.”

<sup>216</sup> Ni kuyema kuzwa fa katala, mutu yomunca ku Kreste Jesu. Konakuli hauna kuitinga fa keleke ya hao, kuitinga ku muprisita wa hao, kuitinga ku mulisana wa hao. U itingile fa Mali a suluhile a Mulena Jesu. “U pilisizwe ka sishemo.”

Ha lu lapeleni.

<sup>217</sup> Mulena, lituto ze tiile cwana! Seli nako yakuli keleke nyana ye i amuhele nama, mi hakusana kunwa mabisi a Linzwi. Lu bile hahulu mwa mabisi cwale, kufa mbututu botela ya hae. Kono luna ni kuca matunula a nama ye tiile, kakuli lizazi liya li sutelela. Linako zetuna ze sabisa li sutelezi, mi butata bobutuna buyemi mwa nzila. Mi luziba kuli hakusana kuba linako zende. Lu ziba kuli lu kwa maungulo. Linako li ka zwelapili kuba zemaswe maswe kufitela Jesu ataha, kuya ka Mañolo.

<sup>218</sup> Ha lukoni kuba sepisa nto isili fela mwa bupilo boo. Kono mwa bupilo bo butaha, lukona kuba sepisa Bupilo Bobusafeli ka Linzwi la Hao, haiba ba ka lumela ku Mwana Mulimu ni ku Mu amuhela kuba Swalelo ya bona, kuba Yena ya Na yemi mwa sibaka sa bona, sina Yena ya lwezi libi za bona. Lumeleza seo cwale.

<sup>219</sup> Mi cwale ba ba sa lumeli hababe balumeli. Mi cwale baipapati ba keleke, mwahali mo busihu boo, baba peletezi fela bulapeli mi bapila fela mwa keleke, ha bakone kuamuhela kutwisiso ni Mulimu; kuli lilato le li cwalo litaha mwa pilu za bona, kuli ba lilele libi za bona, ba shwe kwa neku la bona, mi ba pepwe sinca ka Moya o Kenile, mi babe ni musa ni sihsemo, baba na ni lilato, mi babatezi tabo ni limbuyoti. Ba pile bupilo bo bu cwalo bwani, kufitela baba ni lizwai hahulu kuli baeze sicaba sesili ni bona, kunyolelwa kuba sina bona. Lumeleza cwalo, Mulena, kakuli lu li kupa ka Libizo la Hae.

Mi ni litoho za luna zeinani.

<sup>220</sup> Hani zibi, busihu boo, haiba kuna ni alimuñwi mo, yakali, “Muzwale Branham, hane Ni ka beiwa fa sikala sa Mulimu ka nako yani, Ne ni sike, ni sike, ni sike nafita fa linepo zo sweli kubulela busihu boo. Ni bata kuli u ni hupule mwa tapelo, kuli Ni cince linzila zaka, mi Mulimu uka taha ni kuzwisa bukuba bo ku na ni ku nieza Mukreste ya sepahala”? Kana uka nanula lizoho la hao kwa tapelo, kuba wena, haiba u kona? Mulimu aku fuyole. Mulimu aku fuyole. Mulimu aku fuyole, kwa mulaho. Mulimu aku fuyole. Mulimu aku fuyole, muñaka. Mulimu aku fuyole, muzwale. Mulimu aku fuyole, kezeli.

Uyakenile, Uyakenile, Uyakenile, Mulena  
 Mulimu wa limpi.  
 Lihalimu ni lifasi litezi Wena,  
 Lihalimu ni lifasi za Ku lumba,  
 O Mulena Muambakani Yapahami.

<sup>221</sup> “Uyakenile.” Hamunze kunahana cwale, ni kulapela, hamunze muikutwa ku kolwa kuli mu fosize, mi mubata kuba hande, mu nanule fela lizoho la mina, ni kubulela kuli, “Mulimu, aku ni eze mo Ni lukela kubela”? Mulimu aku fuyole, kalibe yomunyinani. “Mulimu, ni eze mo Ni lukela kubela.” Mulimu

ku fuyole, muzwale, kezeli, wena, wena, wena kwa neku la *kwanu*.

<sup>222</sup> Lizazi se li ca matali. Na ziba kutata, balikani, kono kihande kuziba Niti cwale. Cwale ka kukuza mu lapele.

Uyakenile, Uyakenile, Uyakenile, Mulena  
Mulimu . . .

Ki ya kenile, anosi fela.

. . . litezi Wena,  
Lihalimu ni lifasi la Ku lumba,  
O Mulena Muambakani Yapahami.

<sup>223</sup> Ndata luna yakwa Lihalimu, sina lizazi halisweli kulikela mwa manzibwana, tutaha twa kopana ni balatiwa ba tona. Linyunywani kaufela liya kwa liyaletto za zona. Maiba afufela kwa mihala, fahalimu, kuli linoha lisike za a kataza mwa nako ya busihu. Aina fani ni kulilela ku yeñwi ni yeñwi kufitela likena mwa buloko. Lizazi mafelelezo la likela.

<sup>224</sup> Zazi leliñwi lu ka taha fa hola yani. Kulikela ku kaba ezahala. Hani zibi kuli ki lili, Mulena. Kono kuna ni sicaba mwahali mo busihu boo se si ikolwisisa kuli si fosize, mi ba bata kutaha kwa sibaka sani, sina Lincoln mwa na tezi ku sona ha na shwa, ha naize, “Ni talimisa sifateho sa ka kwa lizazi le li likela.” Mi akala kubulela kuli, “Ndata luna Yakwa Lihalimu.”

<sup>225</sup> Sina Moody wa kale yana ize, “Kana le ki lifu nji? Le ki lizazi la ku bubekwa kwaka.”

<sup>226</sup> O Wena wa Kuyakuile, ba amuhele ona fa cwale, ka tumelo, habanze bainzi mwa lipula za bona cwalo. U ngongotile kwa pilu za bona, mwa sipula. Yani kona aletare yabona. Ye ki yona nako yakuli U ba amuhele, onafa cwale. U bulezi kuli, “Ya taha ku Na, Hanina ku mu hana.”

<sup>227</sup> Mi zazi leliñwi lizazi ha se li likezi, mufumahali kamba muuna uyemi kwa mumbeta, ma dokota ba zwa kwateni. O Uyakenile, Uyakenile, ona bunde bwani, kukuza ko ku munati kwani, bukaufi fela lizazi li si ka likela kale. Ha lukona ku zuha ni kubulela kuli:

Kulikela ni Naleli ya Manzibwana,  
Mi ni pizo iutwahala hande kuna;  
Mi cwale kutokwe kuba kutonga kwani  
Ha Ni ta sila liwate.

<sup>228</sup> O Mulimu, ba fe zona ka hola ye; habanze ba libelezi, ba libelezi mbuyoti ya Mulimu kutaha fahalimwa bona. Zwisa kacimacima kaufela, kaufela za lifasi, libe kwahule ni bona, mi ubupe ku bona pilu yenca. U ize, “Ni ka zwisa pilu ya kale, ni beye mwateni pilu ya nama. Mi Ni ka beya Moya wa Ka mwa pilu yani, mi ba ka zamaya mwa likatulo za Ka ni kubuluka litaelo za ka.” Kakuli, ki taelo ya lilato, mi ha ki ya musebezi. Ki ya lilato. Mi lilato la lu hapeleza kueza cwalo. Ki musebezi wa lilato, la lu

hapelela. Ki musebezi wa luna wa kulatelela lilato. Mi Na lapela, Mulimu, kuli Uka lifa kwa pilu ifi kaufela ya ya nanuzi lizoho la hae busihu boo.

<sup>229</sup> Mi baba si ka nanula mazoho a bona, ha ba eze cwalo cwale, ka sishemo, kuli ba Ku amuhele, mi ba tazwe ka Moya wa Hao mwa mukwa o ishuwile, o munati, o kuzize, o ikokobelize woo; mi ba tale sishemo, ba zwele kwande bali batu baba cincizwe. Ka mo linyunywani lika opelela ka kushutana, ka mo mañi ni mañi ukabela ya shutani, kasamulaho wa hola ye, O Mulena Muambakani Yapahami.

Uyakenile, Uyakenile, Uyakenile, Mulena  
Mulimu wa lifasi,  
Lihalimu ni lifasi litezi Wena,  
Lihalimu ni lifasi za Ku lumba,  
O Mulena Muambakani Yapahami.

<sup>230</sup> Mina cwale ni litoho za mina ze inani cwalo, mina baba nanuzi mazoho a mina kuli muhupulwe mwa tapelo, kana muikutwa kuli Mulimu ubulezi kwa pilu za mina mwa nzila yeñwi cwale, isiñi ka maikuto a mubili, kono fela ka nti yeñwi mwahali ku mina, muikutwa kuli Mulimu u mi file Bupilo Bobusafeli? Mu ikutwa kuli muzwa mwa keleke busihu boo sina mutu ya shutani? Kana muka nanula mazoho a mina busihu boo? Mulimu aku fuyole, mwana. Mulimu aku fuyole, muzwale. Mulimu aku fuyole, kezeli. Mulimu aku fuyole. Yeo ki niti. “Ni ka zwa mwa keleke mo, busihu boo, nili mutu yomunca.” Limbututu ze sa zo pepwa mwa Mubuso wa Mulimu.

<sup>231</sup> Ki sikamañi se si ezahalile? Na ziba kuli ki taelo ya kutaha kwa aletare. Yani ki aletare ya Methodist, taelo ya Methodist, Ni taluse. Ne i kaliselize mwa keleke ya Methodist, mwa mazazi a John Wesley. Yali kuba ibe mwa mazazi a Bibe. “Buñata bwa babane ba lumela ne ba ekelezwa kwa Keleke.” Mwakona ku lumela kaufela fo muinzi, kwande mwa simu, kwande mwa mikwakwa, kai ni kai. Kai kaufela, ha sina shutano ni yekana, fela ki kuli mu amuhele Mupulusi wa mina ka ku butu bwa mina. Ki kezo ya Moya o Kenile ye kena mwa pilu ya hao. Ha u Mulumela, mu a Muhele, u zwile kwa lifu ukeni mwa Bupilo, mi ubile sibupiwa sesinca ku Krete Jesu.

Si ni fiteleli, O mupulusi ya musa,  
Cwale ha muyeme.

. . . kulila kwaka kwa kuikokobeza;  
Mo U potela ku babañwi,  
Si ni fiteleli.

<sup>232</sup> Cwale Ni bata mucaha ni kalibe, yo Ni akaleza kuli ki musala hae, ya nanuzi lizoho la hae, ni bata kuli mu nanule lizoho la mina hape kwa mulaho kafoo; mwana, ya apezi koti ya mubala o mufubelu, ni kalibe, kuli ba amuhele Krete kuba Mupulusi wa bona ya ba paka. Mucaha ya inze kwanu mwa sipula sa



mawili, ya amuhezi Kreste kuba Mupulusi wa hae, ni utwile kuli Mulimu u mu pilisize. Ni babañwi kwa mulaho kafoo ne ba nanuzi mazoho a bona, ba yemise mazoho kwa batu babali kwa matuko, kuli babe ni kopano ni mina.

<sup>233</sup> Muba swale mwa lizoho, yali fakaufi, ya yemi bukaufi ni bona. Muli, “Mulimu aku fuyole. U amuhezwi mwa mubuso wa Mulimu, muzwale waka, kezela ka.” Kutwano, sani kona se lubata. Mulimu afuyole. . . Amu itumelise mwa mazoho ni mucaha yo fa yainzi mwa sipula. Mulena abe ni yena. Yeo ki niti. Lwa ku amuhela mwa kopano ya Moya o Kenile.

<sup>234</sup> Haiba wali kuba u kolobezwe, mi uitakaleza ku kolobezwa, ubonane nib o mulisana mi uba bulelele ka zona. Lisa kwanu le mane lina ni mezi, busihu boo, haiba mubata ku kolobezwa. Lika kaufela lilukile. (Kana mobile ni kolobezo, ka mukwa usili kaufela?) Kono lisa li libelezi, haiba kuna ni ya bata ku kolobezwa. Bibeke ibulela kuli, “Mubake, mañi ni mañi wa mina, mi mu kolobezwe ka Libizo la Jesu Kreste kwa swalelo ya libi za mina, mi mu ka amuhela mpo ya Moya o Kenile. Kakuli sepiso i ku mina ni kwa bana ba mina, ni babali kwahule, mane babañata kaufela ba ka biza Mulena Mulimu wa luna.”

<sup>235</sup> Mwa Mu lata? Amu nanule mazoho a mina. [Kopano ili, “Amen.”—Mu.] Oh, nji Ha ki yomunde? Mu ikola cwani Buka ye ya Maheberu? Mwa Ilata shaa? [“Amen.”] Eehe. Kibunde. Cwale, Ki sikululo. Oh, I buhali mi I namile, kono lwa lata cwalo. Kona mo lu batela ona cwalo za Yona. Halukoni kuba ni Yona ka nzila isili hae.

<sup>236</sup> Cwale, kana mwa lumela kuli Paulusi una ni tukelo ya ku Li kutaza ona cwalo? Paulusi naize, “Haiba Lingeloi litaha ku to kutaza evangeli isili kaufela, li be anatema.” Ki cwalo nji? Kacwalo lwa Mu lata ka lipilu za luna kaufela.

<sup>237</sup> Cwale Ni ka kupa bo mulisana kwanu fa nako nyana fela, muzwale wa luna yomunde hahulu, Muzwale Neville, mi u kaba ni linzwi la ku ambola ku mina. Mi cwale, haiba Mulena alata, lu ka mi bona la Bulalu busihu, ni kueza litukiso ka za kuya kwa busihu bwa kukopanela ku Muzwale Graham Snelling. Mi haili kutazi kwanu ika zwelapili, ni kauhanyo ya 7 ni ya 8, la Bulalu lelitaha le busihu. Muzwale Neville.



*MAHEBERU, KAUHANYO YABUSUPA 1* LOZ57-0915E  
(Hebrews, Chapter Seven <sup>1</sup>)

MUKOLOKO WAZA BUKA YA MAHEBERU

Liñusa le ka Muzwale William Marrion Branham ne li kotalizwe lwa pili mwa Sikuwa la Sunda manzibwana, Muimunene 15, 1957, ili fa Branham Tabernacle, mwa Jeffersonville, Indiana, U.S.A., liingilwe kuzwa fa tepu ya magesi ya manzwi kusina ku zusa sika mwateni ku ya Sikuwa. Toloko ye ya mwa Silozi i hatizwe ni kuhasanyiwa ki ba Voice Of God Recordings.

LOZI

©2019 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Krete. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa mashelēni ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)